

Alosikineta Akanyikape Nuka Apejo Naka Gabriel Mama Ejai Daniel

Jeffersonville, Indiana, U.S.A.

61-0730E

1 Konye aumokinit eong noi kanu...atunakawok atupuruc na, ludidik, ijeni ijo, "fefe" ka "fifi," ludidik, e...ijeni ijo, lutomonet ka lukanykape. Ido olomonete kesi toma okanisa, ijeni ijo, nuikamunitos...ipesur ludidik, kotoma okar kangul, ekotosi kesi ibusiak, ijeni ijo. Kes, ijeni ijo, ijeritai itim kuju, kokuju naka akwesikec; abu eong aanyu kes, kwape ajaar eong alimonokin, enyikokitos aibong kwap, aibong kwap. Ido akaulo apak naedit, ajaas kesi akutanar ngin awai naka ireetinikec, orionora aijereta nuka itim kere.

2 Ipeseke inac Dawning, ido-ido abu eong aanyu nges. Kosodi yen-yen-yen...Onac Collins yenididi... Ingai ekekiror? Yenididi...[kotemari icetunganan ebe, "Betty."-Ekewa.] Betty, Betty. Abu eong asub bala akenei motimot, eong bon. Konye abu eong aanyu aibuses kere, ijeni ijo, kere etemonokitai, kosodi do cut kaitebeikin e...

Eebo, isirereng itauonokus, awiinyi, ibusiak yesi, kaneka, ejaas aceda. Edolit ngin. Elaete, erai-erai emoyo loelai nges ebuni kosodi aiboikin toma airiamun kwangin, kosodi aipup Akiro nukajokak. Ngin nges itarauni apese naibus. Ido aomit eong nginisapat loibusakinit edukone, eoomoi ibore ngipengin. [Kotemari Onac Neville ebe, "Amen."-Ekewa.] Eyalama, ipa. Ejok ngin. Acamanaros icetunganan kede eong. Edolit ngin. Ejok. Eyuunit eong erai ngin abeit.

3 Kwana, ngin mam erai naitegelikina? Abu eong arasak apukor Daniel 9 neapokora eong Ebaibulika. Kwana, alimonokini duc eong nginitunganan, yencilil ekesaati ebe, mam alacar ekekooti awai, aso aomit eong mam loka ecilil. Konye-konye aanyunitor eong apakio numam eong apedoria alacar, naarai ajai aipany osaati, ajeni eong ejok. Aomit eong ebe mam lo ecilil.

Kwana, oo, kanukang, oni...ido eyuunit eong kanuka atukos, kisiyalamikit oni ajakut aka Emoyo Lokalaunan atupuruc na.

Ido isiyalamikinit oni eidicane ka ajakut naka nginidiopet ka yenice. "Ejijim biai, ejok biai, ibus biai, inacan aiboi nepepe kidicasi. Esubit bala ainyet naka akais nui pu naelelei kiton ajul nuka openek loka Aaron, kiton adal naka inapeneke."

4 Abu eong a lot ainyam lolo, lai je Blue Boar, ido ingai abu eong aturiaikin kangina kidimarai Inac Bill lo, ka Inac Dauch iboiete kangina, inyamete idiopet kotoma akokorei nuajok asesin kakere, nutowatai nu lem aanyunitor eong, ido kojaas aiyeng, inyinyiritos kokinga kangina, ijeni jo. Abu eong alot agoolaik nuka okuju kasodi eong adumun atutubet naepol naka ekanisa kokuju kangina, ido akatosi kesi aitacakin ikanyamat luka atibong. Kwana, ajok ngin noi, abu eong esiyalamik ngun.

Neadolio eong ore, obuni Billy kede abokis naka enyanya nabu icetunganan koyangaunite mamakang, anyoun cut aboisit kangin naelai kolilim nako Georgia kokwap kalai je, elimokinitai eong ebe elilim noi kokwap kangina, apakio kwape nat kanu.

5 Kasodi eong airiamun kede ikesa ice kokinga. Alomuni eong kotoma aingitoka, apaaran na, ido ajai eong abongu etorunite Okanisa nepetai esawa ediopet ka atutubet kau, kosodi ikesa...asubit bala ikesa yenididi, kokinga, ebala ebe...eong ebe, "Emwana."

Ebala ebe "erai ngin abeit!" Abu eong ajen ebe alomunit ngesi ko Georgia!" aso kotemari ebe, "Erai abeit emwana ko Georgia!"

Eebo, itamit oni aiku aibosio nuemwaka, mam? [Kotemari atukos ebe, "Amen."-Ekewa.] Ngun kes ijaar oni ne.

6 Eyalama noi, ipapero, kanuka ajokisikus kere. Inyobo tikeswama eong komameete yesi? Inyobo ti-inyobo tikeswama eong komameete yesi? Korai ti eong amameete kede itunganan yenemina eong, korai omamei itunanan yenepupokini Aisiraret, Akaisiraret kere tikemameu ajokis cut. Mam eong apedori alimonokin ngin mama ejaas ipirin luka isimun ka ikito. Mam tikepedosi amisiikin ngin. Aso ekoto korai itunga kayesi kere, nges epote kosodete apupokin ngin. Ido nekiponiata yesi kosodete aiboikin toma aiboisit naemwana kwape kana. Ido erai..Abala akaberu ebe akoto ngesi anokiar kokau kangina, atupuruc na. Ido asesin itunga, ido icesawan itunga luedekasi, ngesi iboienenete kairiamununeta kangun koipone kangol, koinak Edeke yesi e-ere loelai, loajokan kotoma aibuses, nges akailipa. Ido amuno eong ido ajeni ebe ebuni Ngesi aswam ngun.

7 Kwana, kaanyutu. Abu icetunganan olema ekakooti kane. Ido ebeit eong aisiom akuar na. Imwas ai eminakit nusodit nu? [Olimuni atukos ebe, "Amen."] Oo, korai ti komam emwana, ti oni inyikok alosit ngaren, esabiiti kere, kede e-eitabo lo apukokinio. Emina eong ngin. Ajari eong kotomake. Ido ilipanakisi eong, esabiti lo, naarai asabiti ngin eong...itojok Ejakait, ebeit eong aitodolikin ngun, aibwaikin isabitin ngun nepepe. Ido erai ngin icebore yenimam eong ajeni nukeng. Ido alosi eong amunokin Ejakait ebe einakini ngesi eong abongokinet.

Ido eong-asiom eong itunga luipu luegelegela lu-luapotu inerata ngin, luiwadikatos ngin. Aisiom eong

aiwadikaeta kane, nuka Dr. Scofield, etunganan loesiomarit noi, konye kaitebeikin, mam eong abu kacamanoos kede nges, kotoma aiwadikaeta ke nuipe, naarai mam eong aanyunit ngin. Akaibo...ebeitebeite ti kitolom aput alopet.

8 Kwana, korai ti ojai ijo ainapakin nepepe aput na ibore kayen kisiararitari, ido ibore yenisodit yenijeni ijo, itemari ijo ebe, "Oo, elosi na kuju lailio. Mam, ajeni eong ebe elosi na cut kuju lailo." Aso, ejai ijo ameeet angolianar epone loinomitere ikon iput kanu aanyun nuijai ijo aswam. Ido arai-arai mam, iinakin ijo akoniswam inyalinyalun.

Kwana dobodo arai ilem ijo...Ojai aput naka ecaalo loapolon, kolai, ido kojai akiteng enyami anya kokuju kekitoi? Kwana, mam ti ngin erai naedolit (ti eraun?) naarai mam ngin tikenyami anya kokuju kekitoi. Aso, kwangin ejaar arai, ijo, arai mam Emoyo Lokalaunan esiponokini ikokoron ngul nepepe. Aso ijaatar do ijo aput kere, napolon naka alakunio. Ngung nges nuikoto oni, Abeit. Kiton nekijenuna oni abeit, ibuni oni ainyeikin ngin anyeikin. Kosodi do, nekeinakina Edeke oni Abeit, eebo, abuni do eong einer nuikamunitos ngin.

9 Ijeni ijo inyo? Aomit eong Onac Roy Slaughter ka-ka ice kotoma itunga lumojong kane, luageunete kokau kangina apakio nusek kau...Ajai nepetai adaun, aomit eong, ikar iuni arai iwongon lusodit luka aijanakinika, kane cut kokanisa, mam eong apedori karaida alimonokin akirot naka egeena, naarai eong-mam eong apedorit aijen arai erai aiboisit na enoki, arai arai ates. Ido kanginipak nakenerar Akirot ebe, ates, adumuni eong aijulunet, ebe, "Okatwak." Okatwak ngesi "ates." Kasodi eong ajalakin ngin ajalakin bon kiton ne cut amisiikina eong nuenera eong, kasodi do eong alimonokin nuikamunitos egeena, aso neamisiikina eong eipone loajaar kere kasodi aanyun neajai ngin. Naarai, apupi eong ebe ikamunitos ejaanakinan akiro mama ejai Edeke, nuelimokini ngesi atukos ngin, naarai elosete kesi adongakin toma kangun. Kosodi do, dobodo arai ainak eong kes asipokin aiboisit naronon, ido kosodi apak adolun namam adongakina ngin epedoria aibwo? Itei ijo?

Ido kotoma aitapoet kangin nabu Ejakait koinak eong, ecepakio kau, neaponiata imilionin ngul...neabu Ediopet ngol loenerasi kede eong, kotemara ebe, "Ibunio ijo atubokin, ageikin, kede eijiri loilimonokini ijo."

Abu eong katema ebe, "Alimonokini eong ibore ngipengin yenalimonokini Paul, ka luce kakesi."

Ido imilionin ngul kere luka iporotoi apotu kilulukisi Iyengi isio kotoma kangin." Arai ngesi ngin. Itei jo? Edolit.

10 Aso akoto eong ainyikokin atibong na, kwana, aso mam ebuni ayangaikin aojau. Ido mam imurwokin kwana...Kwana, atupuruc na abu eong ener nuikamunitos Daniel katoma aijoreorio, kosodi Gabriel abunore mamake kosodi aicorakin nges nuikamunitos akiro nuongaren. Ngung kes nuimorit oni atupuruc na, aicorakineta naka akiro nueponitos koingaren.

Kwana, atibong na, inera oni nuikamunitos alosikineta akanyikape nuka apejo naka Gabriel mama ejai Daniel. Asabiiti ngin, itojok Ejakait, asipokin Asabaton akaisakanyarei, aiboisitikec, kotoma akiro nuka apak. Ido aibo kibwoia oni? Kwana, arai oni apedorete angicun ka aitogogongor ngun, ejok, kipedori do oni ajenun esawa loijaria oni. Kwana, mam oni ibuni ajenun esawa loebonguna Ngesi; emamei itunganan yenebuni ajenun ngun. Yesu da elopet, mam ejeni ngin. Abala Ngesi ebe mam ajeni. Mam karaida Imalaikan ejenete. Emamei kotoma kaoni yenejani esawa loebonguna Ngesi, konye ipedori oni ajenun esawa lo...lo kijaria oni, ajenun cut eipone loiyapikinitor oni.

11 Kwana, kanu ailamarete adio ngaren, naarai ejaas isap aikam ateepun nuka kanu...Ekerete acuuman okau kotoma agoola. Ido ateepun, ejena, ijukario kinga aiboisio kere.

Kwana, aisisia naka atupuruc kana, akaulo napotu oni abongoriata aingic esula loiwongonet ka loikanyet, kasodete do oni asipokin lo...ageun kede esula loikanyete kaongon loka Daniel. Ido kwana, atibong na, ajai oni ainyikokin kotoma osula loikayete kaongon. Eringa oni idolokina ngin, kituluroto ber akwesiwok kwap apak edit kasodete ainerakin kede ekewadikan Akirot.

12 Edekekosi loesiana, ijani isio ejok ebe ijani Ijo kanginilosikinet naka itauonokosi. Ijeni Ijo apolou nakijaar isio ne. ido ijani Ijo ebe mam isio ibunit ne atupuruc na naarai ebe kiomit isio ebe ebuni araut aiboisit naejok abunore toma, kanu adumun aiyengun adio kanuka atibong. Papa, mam eong eyuunit ebe ejai itunganan idiopet yenejaas kede alosikinet ngin. Eyuunit eong ebe ijai isio ne atibong na naarai iinakina isio cut, amunokina, ido epudasi ajenun EBALA EJAKAIT KWANATA.

Imina isio Ijo, Ejakait, ido imina isio Akirotokon. Ido arai aiboisit na nakiinak Ijo isio, erai bon asoto kokuju naka akwesikosi, ka amatapalin nu nuka esimit, iyalama isio noi NeKon kanuka aiboisit. Naarai, iyuunit isio ebe ajai Ere kuju, neijai isio alosit. Ido iomoomoi isio nukaluka Papakosi luageikinet luamameete kede karaida arereng kwape kana, ido idupori ngin isio aitulur itauonokosi kotoma oleic, Ejakait, kanu angurian.

Kwana, Papa, ilipi isio ebe ibuni Ijo apukokin isio, nuiwadikaere, atibong na. Obia, kosakasak, osiep

naka nginidiopet kasio, kwape kilosio korot kalo atibong na. kinerak isio ka abu Ijo kirakina ngul lualosete Emao, anyoun ko Yerusalem. Ebe, nekengetakinor aijaanakin, atibong na, apedosi isio alosit okalia kosi luegelegela kasodete atemar ebe, "Mam tope amulaete iwokotauon nakiiraria Nges kinera kotoma AkirotoKe!"

Kisirereng asiomio. Kisirereng akagogong naedit, Ejakait. Opuko akakituk nejaas ngun nueraas abeit, ido ogolok mama ejaas ngun nueroko. Ido koyangau abuses nejai Ijo Elopel, ka aibuses toma OtungaKon, tetere epedorete aanyun esawa loijaria isio ka abongun naka Ejakait Yesu naeyapie. Naarai, ilipi isio ngin Kokiror-KokiroriKe, Ekiror loka Ejakait Yesu Kristo. Amen.

13 Kwana, kanu arucokin ikoronowok apak edit, kianyuni ebe ajai Daniel toma aijoreorio adaun ikar akaisakanykape ka ikanykauni. Koomoom nuikamunitos ngin! Kwana, ijo, ka apapulakon ka ekalamu, lumam apotu kodumutu ngin atupuruc na, ipedorete aikamun ngin atibong na. Agear 606 akaulo naka atwanare naka Yesu kiton 585. Koany 508 agear 606, idumuni ijo ikar akaisakany kape ka lukany kauni ejai Daniel toma...ebulesit; amamei ekanisa lo loton toma, amamei alimonokin nakiirara, emamei idobore. Konye ajaatatar ngesi icetaabon, acenunuketa, nuadwarit enabi loageikini nges, ido arai-arai Yeremia.

14 Kwana, kotoma aisisia nuiwadikaere, abu ngesi kaony ebe ajai apak adaun, apak ngin naka ikar akaisakany kaarei ido abu Daniel kaiyapaara iyu nginikirot nakenerit enabi Yeremia. Ido akoto eong alimun nejaas lu, nejai atukotoka atibong na; oni ibusakinit aiyuun inabiniwok? [Kobongokini atukos ebe, "Amen."-Ekewa.] Eebo, ipa. Naarai, abunenenei Akirot naka Edeke nejaas inabin. Ejaatatar kesi EBALA EJAKAIT KWANATA. Ido enabi lokabeit mam ebuni aitegelikin kama e-ejai akirot naka luce inabin. Mam kes einakinete ngin alimun icebore yenimam ngin elimunit. Elimunete becebec cut ngun nuabu enab8i lokabeit kolim. Ngin nges itaraunit kes inabin. Ido nakedumuniata kesi ngun, kosodete do kesi aidwar nuebeit abunore, kojenete nu, kede akurian kotoma koitaunokec, kinyeikisi alimun ibore yenebucara kasodi aitapaar icetunganan awai. Mam oni ikoto aswam ngun. Ikoto oni amisiikin cut ejok ebe ijaatatar oni kede Akirot naka Ejakait eringa oni kelimuna ebe EBALA EJAKAIT KWANATA. Kiany? Ekoto korai aisiraret naitekooro, kolomunite cut kama ejai Eicolong loka Edeke, arai mam enyekikisi alimun ngin cut.

15 Kwana, kotoma aisisia nuiwadikaere, abu ngesi koany ebe ajaas ikar akaisakany kaarei adaun. Aso, ngesi kwape kajaar ngina ikar akaisakany kape ka lukany kauni, edeuna ikar iarei ngaren kanu Edeke ainyakar Iketunga akwapukec.

Nekejaar toma ailip, kianyuni oni ebe ajai Emalaika lokapedor loabu kobu kotoma Akuj. Epedori idiotunganan alimun Ekekiror? [kotemari atukos ebe, "Gabriel."-Ekewa.] Gabriel. Ido erai Ngesi Emalaika mama ejai ekanisa loka Iyudayan. Imwasi bo ai ejenete ngun? Nginiiboisit kere, erai Gabriel. Erai Gabriel ekiyaka mama ejai ekanisa, ekanisa loka Iyudayan; abu kobu nejai Mariam; abu kobu nejai Sekaria. Erai duc, Gabriel.

Ido erai Ngesi ediopet kotoma Omalaikan lukapolok luka otoma Akuj.

16 Ido mam kereka Nges abu koyangau onacewok Daniei abongokinet nakaumokin kama ejai Edeke! "Oo, Daniel, loeminai noi!

Mam ti ngin itarau ijo loijok, aoomoom ebe abu Edeke komin ijo? Korai ti komam keminatete eong noi, ti eong akoto ajenun ebe emina eong kokuju Kangina, mam ti ijo da ikoto? [Kotemari atukos ebe, "Amen."-Ekewa.] Abeit cut. Esubit bala...Eoomoomoi Ngesi nukang, acepakio, Adupori ngin eong akote ailulukin, aoomoom ebe epodokinit Ngesi eong. Ido ijaas oni kede aitogogonget ebe epodokinit ngesi kanuwok, naarai, "Napekiringar oni irai ikadiakanarak, abu Kristo kotwana kanuwok," onac. Ido, kwana, nekiraar oni luitiakara kama ejai Edeke, kwana esukunyu ngesi oni osiep loka Edeke ido ainaki Ngesi oni aidules naka awokaitajario, ngesi, Emoyo Lokalaunan. Ido kede aiyuun kotoma kangina ikeuni ngin oni kuju naka iboro kere luka akwap, ido itorit do oni kujuke. Erai ngin naibus, mam? ["Amen."] Ejok.

17 Nakejaar toma ailip, abu Gabriel kobu kosodi alimokin nges edeuna ikar iarei bon kanu kes abongor ore, konye abu kolimok nges kere neabeit akwap ngin angetakina. Koomoom ngin! Angetakinete kere, kanginirot kere kotoma akwap, abu Gabriel itetemik Daniel. Kobala ebe ejukunitai Nges alimokin Daniel iboro lu lukapolok. Eipone lo aticepak abu enabi ngol kopupuna! Kosodi Ngesi alimokin ngol ebe ajaas asabaton akaisakany kaarei luemarakinaitai itunga, kiton awasia; ngin nges apak nakawasia, ongetakin do, awasiake. Ebaala ebe, "Ejaas asabaton akaisakany kaarei."

Ice kotoma kakesi ecamakonitos ngun araut ilapio, ice apaarasia, ice...Haa! Karai erai cut asabaton, erai do ekar ediopet kede ilapio iuni bon arai ediopet kede ilapio iuni luka ekar. Ido, itei jo, ijo...Nen nges ebeitor oni aanyun, araut lumunon.

18 Etutubi asabaton akaisakany kaarei kanuka itungakon." Kanuka alosikinet anyoen? Kanukiinyo? Itunga bo kangai atutubikinitai apak ngin? Itunga Daniel, Iyudayan. Ido kanukiinyo etutubere ngin? Mere bon kanuka Daniel, konye kanuka Eibuga lokalaunan da loka Daniel; itei jo, eibuga lokalaunan loka Daniel. Kwana, atukot, ali bo eibugake ka Daniel lokapolon? [Kotemari atukos ebe, "Yerusalem."-Ekewa.]

Yerusalem.

Ido kwana ilosi oni alemun, aticepak adolokin toma kangin atibong na: aibo ajai Yerusalem? Ingabo ageuni Yerusalem? Iomoomotor nukangun? Ingaibo ageuni Yerusalem? Iwori bo etegearer? Ilosi oni adolokin toma kangin, akaulo apak edit. Ingaibo ageuni Yerusalem? Esapat, erai ibore yenenegopit motimot kosoda, konye cut abeit elimunit ngin. Eebo, ipa. Ingai ageuni Yerusalem, ido iwori bo ageunere? Ejok. Ido ngol nges eibugake ka Daniel lokalaunan.

19 Ido imisiikinit oni ebe eibuga ngol, lo kwana araun amorosit adaun ikar ilukumin iarei, eponio aitemun aiduk ka aitemun asipokin bobo. Ido eponio aima naka oyekalu aibwaikin ainapeta kwape cut kajaar ageunet. Abeit ngin. Ebuni Yerusalem araun, kwana, ido ebuni ajaun asubanit, ainakinet naijanakinio kanginipaaran bobo kwape kajaar kotoma ageunet. Ijai oni adolokin toma aidules nakangun, aomit eong, atibong na, nuipu nuikamunitos ngin.

20 Kwana akoto eong yesi ajenun, ipapero, ebe, atiror nuikamunitos iboro lu, ajai eong kaitebeikin ajalakin isabiitin luka asisianakin. Konye aisub ber bala atirori ngin, dodo elilimor ekuse, arai ekaulo mot, nekilomara oni toma Aipuceta Akany kaarei, Atanyia Akany kaarei, Arupepen akany kaarei, iboro lu kere, luapedori eong angoliar kasodi atemar ebe, "Kiitunitos yesi kotoma asabaton akaisakany kaarei nuka Daniel? Kiitunitos yesi Atur naka ekanisa, nekelosio kuju, ido nuapotu kismamaunos?" Ido asabaton nu akaisakany kaarei nuka Daniel imoriaritos alosit kuju naka Ekanisa kiton abongun naka Ekanisa. Apak ngin nges enyamarit ngesi. Kwana, kwana, mere kere asabaton akaisakany kaarei nuka Daniel.

21 "Asabaton akaisakany kaarei itutubitai."

Kwana, ajaas alosikineta akany kape kotoma apejoKe, alimonokin nges nualosete aitodolikin. Kwana, ajaas alosikineta akany kape nuka akebunore. Kwana, atibong na, aomit eong ebe ibuni oni ailamar toma okokoron lujai oni atupuruc na, neajaas alosikineta akany kape. Oni lu ne. kwana idumuni oni ebe ajaas alosikineta akany kape, adiopet kotoma kakesi. Kwana alemutu e...esula lokiwongonet, e...lokiwongonet ekokoro...ekokoro lo 24 loka esula loikanyet kaongon loka Daniel.

Ido ecorakin asabaton akaisakanykaarei Otungakon...

Kwana kiitu, arai ngin alosi kere naka Isiraelin naepote kesi ajaut kede kotoma akwap kana. Icorakinitai kes. Asabaton akaisakany kaarei icorakinitai aicorakin.

Kes ngun kere nuetiakakinitai Iyudayan.

...otungakon korekon da lokalaunan,...

Kanukangun, asabaton akaisakany kaarei, kwana mam itwaniari ngin, abuni ngin apokor agear apak kangin kiton angetakinet naka Iyudayan, ido kaimoriarit angetakinet naka Yerusalem, kiton naedukunere eibuga lokitetet. Kwana, oo, amuno eong ilomari oni tomake, ejok cut noi ido idul atibong na.

...Ecorakin kotungakon korekon lokalaunan...(kanu aswam inyo?)...aitanang adiakar,...

22 Inyobo abu Ngesi kolimok ngol kwana? Atamit ngesi ajenun arai ebuni adaun aojau anyoen. "Ajani eong ebe ijai isio apaarasia nukawasia." Kwape kijaar oni kwana, "Ejakait..."

Imwasi bo ai atukot kana, kiyuunitos ebe ijai oni apaarasia nukawasia."? Otema "Amen." [Kotemari atukos ebe. "Amen."-Ekewa.] Eyalama. Ijai oni angeset. Kwana itamit oni ajenun, kama ejai Edeke, aojau naebuni ngin ayangaikin. Ali bo apak nakijaria oni? Nges kijaar oni abongor kau kasodete alemun inabin lu kaiceda, ka atamit ajenun nekijai oni.

Ido ngun kes abu Daniel kismama. Abu ibelok ekereet mama ejai Edeke.

23 Imwasi bo ai esiomitos Daniel 9 lolo? Ikeutu akaninikus kuju. Eebo. Kiany ijo akeilip, eipone loabu ngesi oinakina alimoreteke kanu iketunga, ka alimoreteke kanukeng. Akoto ngesi aitogogong ejok ebe ajenu ngesi apak naebeitor kes abongor, naarai akoto ngesi aisikapikin itunga kanu abongor.

Kwana, nuatamit eong aswam, nges ajenun iwori kilosio oni kuju, ido aisikapikin itunga kanu alosit kuju, luakapakina. Ido ibelok oni ireetiniwok mama ejai Edeke, kotoma ailip ka aingainga, kanu ajenun, "Ejakait, esawa loijari isio kotoma?"

24 Kiany oni kere iboro luegelegela lu iswamas; iseseni oni akwap kotoma aipurujauna. Iseseni oni apak edolunit. Ejai...awadikaet arwatat, kanginibore kere yeninenerit Edeke. Ipupi oni engarenon loka akwapuwok inera nu ejie ece, loebunit kopekwana. Ipupi oni adwarasia, "kotoma, oo, kotoma osawan idis akaulo na ejie, edwaritai ebe mam akwapin eraunete icebore konye ekuron." Ido ijani oni ebe ijai do kwana oni toma.

Aso ijani oni, eringa ngun kismamauna, ejai ber Ekanisa alosit. Aso, "Ejakait, ai bodo kidol oni?" Ngin nges apolou eyuunit eong naebunio ngesi ainakin oni ajenun. Kibelok oni ireetiniwok kanu ajenun. Kwana,

nasodit, ajenutu ber.

Ecorakin asabaton akaisakany kaarei otungakon...korekon lokalaunan, aitanang aronis,... adaun da aronisio, aituluc numam adolit,...ainun adolit namam enangi,...aipuc da aitapoet ka adwaranut, ka ainyonyoikin da abois nakalaun noi akinyet.

Araas ngun alosikineta akanyikape nuka apejo naka Gabriel.

25 Kwana aso ageutu, nasodit. Arai ikoto ijo aiwadik yes lujass kede ikalamun. Nasodit, "Aitanang adiakar," ngin nges ibore yenisodit. Kwana, aitanang adiakar naka Isirael, luapotu kodiakasi kama ejai Edeke, nges ebuni araun ewai loka aibelokinio loka amamus ayongit Edeke naka Yakabo.

Kwana, kanu adumun nu, apukosi Iromayon. Esula lokitomonet kadiop, ido ageun kede ekokoro loka akaisare kaidiopet loka Iromayon 11. Kwana ijai oni alosit nejai inyo? "Aitanang adiakar." Iromayon 11:21. Eebo.

Naarai arai mam Edeke itimit atenieik

Akulepek,...(nuaraas ingai? Isirael.)...kocoito

kinyek...mam kitimi ijo da.

Kwana, akoto eong ijo, ilot ijo ore, aisiom esula lo 11 lo kere. Ajai eong asioman na aso...igirak esula kere lo 11 ido kosiom ngin.

...Mam kitimi ijo da.

Aso koany ajokis...ka adedeng naka Edeke: adedeng mama ejaas lubiroros,...konye ajokis naka Edeke mamakon, arai kisalok ajokis ngin: arai mere kwanginijo da...kijepario.

Ka ngul da, arai mam esalito toma amamus...arai mam esalito toma amamus aiyuun, iraikinio: naarai epedori Edeke airaikin kes bobo.

Itei jo, kinera ebe abuni ajaun apak naejeparere Imo, kosodi Isirael abongun bobo.

Naarai arai kijepunitai ijo atorom-atorom naka eseituni loka ais, (Imo), iraikinitai oseituni lokoriot lomam erai einono...

Mam oni irai lueinono, luitiakara, komamei aitim, komamei Edeke, komamei amun cut. Kosodi Edeke, kanuka Akeitim, ainakin oni arereng, kotubo Isirael nadoliton kanuka adiakar, kosodi aibwaikin kes osiep, e...kobu kojepa eseituni, kosodi ayangaun eseituni loka ais lomam arai einono.

... oseituni lokoriot: itelekarit cama atenieik akulepek airaikinio ainyakakin oseitunikec?

Eebo, enyikokisi oni aisiom.

Naarai iinacan, akoto yes ajenun aiyeyea kinyeis aomit bonik araut lukacoa; ebe, aninikar atutubet naka Isirael aitodol naelomunia etiai kere loka Imo.

26 Kiton naengetakina Edeke kede Imo, aponi Isirael kitumudakai. Kopotu kopaasi toma aronis ka adiakar kama ejai Edeke, naarai abu Edeke kitumudak ekecekonye tetere oni kiropikinio toma. Kiany ijo ngin? [Kotemari atukos ebe, "Amen."-Ekewa.] okokoro lo 26 kwana.

Kwangin itajario luka Isirael kere...

Abu Edeke kitumudak kes kolosikinite kanukon ka kanukang. Mam kes epedorete aanyun, naarai abu Edeke kitumudak kes. Ido Isirael kere, Isirael nakabeit, eponio aitajar. Anyoika abu Emalaika kolim? Aibuses! "Aitanang adiakar naka Isirael! Abunit eong alimokin ijo ebe edolunit apak naetanangere adiakar naka Isirael." Ebuni Edeke ajepar atenu ngin naka ais, kossodi aropikin nen, atenu alopet bobo.

Oo, icesawan einakini ekatau asomun, asesen itunga ngul luican, ilwaritos etuboritai awai, komam ejenete nejaa alosit; ido aoomoom ebe abu Edeke kotoma aitimike, kismama ngun tetere eong kitajario. Kitumudak akecekonye kama ejai Mesia kes elopet, kogol akeceki tetere mam iirarete Nges; konye kereka koanyunitos nukaumokiniKe, ido esesenitos cut nukaumokiniKe ka iboro lueswamai Ngesi.

27 Matayo, eyuunit eong, esula 12, arai lo 8 arai esula 12, abala ebe, "Karaida abu Yesu kismamate nukaumokin nuipu, konye mam apedorete aiyuun." Naarai abala edeke ebe, "Ejaas kede akonye asesen ido mam aanyunete ka aki aipup konye mam iirarete; tetere mam eanyunete kakecekonye ka akiirar kakeceki kasodi ti eong ebelokin kes." Konye, tetere oni kidumuni arereng, abu kiriu aigalisit kwap arapiara akonye nuka Ikedwe ikulepek, kirukuta Ikedwe obe awai komesa, kosodi airukutar kesi kiton nejai adokoror naka Omoyo, tetere Nges edumuni...tetere oni idumuni arereng aijar, ainakin oni aijar. Okokoro lo 26, bobo.

Kwangin itajatrio luka Isirael kere; kwape iwadikaterere ebe, "Ebuni Ekalakunan koSion, Isiyekari amamus ayongit Edeke kotoma Yakobo":

Eebo, abuni Ngesi abunore Moru Sion, adiofet kotoma apaarasia kanu. Kokuju Moru loka Iseitunin, epote kesi ajenun Ngesi, ido abuni Isirael kere ajenun ebe erai Nges. Odauna do Imo apakio ngun. Atenu ngin naeropikinitai toma, ebuni Edeke ayangar kotomake araito na adaun atukonokin. Ido ebuni atenu ngin naka ais...

28 Ido kwana kiitu, kokau kane kwape kisiomio ijo, abala Ngesi ebe, "Arai araas alias ngun nukalaunak, ido koraas alias ngun nukalaunak, araito da naelomuni kama ejaas alias nukalaunak ebuni aitolomun araito nakalaunan." Ido arai erai aliasit ngin Yesu Kristo, Loarai Aliasit ka aur naka Daudi; arai ajai ajar ngin tomaKeng, kopolou kama ejai atur naka Iyudayan kosodete ajepar awai kama ejaas kesi, kosodete atumudak ekecekonye etetere oni kianyuni, ejaun awokojar aputokin kede Atenu naisirerengitai. Oo, eebo, onac. Edolit ngin.

29 Abu Edeke ojepa kes awai, kanu alosikinet, kosodi aitemudak akecekonye tetere oni ijaun kede arereng aanyun, ainakin oni arereng. Kasodete do oni aigoror bala irai oni ecetunganan. Elimokinit Paul kes kane ebe, "Kocoito, eipone lokiswamata yesi ngun. Kocoito! Naarai arai mam Edeke abu kideu atenu naeraikinitai, eipone ali abunio Ngesi ajaun kede aitim nailamara nejai atenu naka ais na adau...

Aso ilosi oni abalas ebe, "Arai eong lo Presbyterian! Arai eong lo Methodist! Arai eong lo Baptist! Arai eong lo pentekosit!" Mam ngin erai ibore mama ejai Edeke. Ekoto kourun ijo kirwan nakiareit kede Emoyo ngol Lokalaunan Loalomuni kama ejaas alias. Konye abu Ngesi kobu...

Kwana, kiitu, mam Nges inera nuka Imoit. Ajai eong bon acakun na toma ne tetere ijo ianyuni aibo ejaatar Imo arerenguhec.

Konye, abu Ngesi kobu "aitanang adiakar," aitanang ngin.

30 Kwana arai ibongo oni nejai Daniel bobo, ido ibuni adumun ebe kotoma Daniel, kidumuni oni kane ebe, okokoro lo 24. Eebo. "Aitanang adiakar." Aitanang inyo? Aitanang adiaakanareta nuka Isirael.

Inyobo adiakar? Nges aitusuripikin icebore. Adiakar neka, nges aismamaikin eong erono. Adiakar nekon, nges aismamaikin ijo erono.

Aso, abu Isirael kiswama erono mama ejai Edeke. Ido kotoma asabato na naikanyetkaarei, inyobo ebuni aismamaun? Elosi Edeke aitanang adiakar naka Isirael. "Aitanang adiakar," ebuni aismamaun, "alemar awai amamus ayongit kama ejai Yakobo." Kosodi do ebuni Isirael kere aurunio kirwan nakiareit. Kes kere apote adumun Emoyo Lokalaunan.

31 Kwana, nakiareikini, kiwadikak ngin apapula.

Ipedori oni ayangaikin apak kotoma kangun, konye mam eong akoto alimonokin ngin. Akoto eong einer kede yes einer, tetere ijo idumuni ngin cut ejok. Nekilomara oni toma Aipuceta Akanykaarei, ibuni do ijo aitor cut Okanisa, aitor Aipuceta, aitor Aiticaneta, kosodi ajenun nekibwoia oni. Eebo.

Nakiareikini, "Adaun aronis." Kwana asiomata ber bobo, Daniel.

...aitanang...adiakar, ka-ka adaun aronis...

Ngin nges alosikinet nakiareit naka abunoreKe. Nasodit, erai aitanang adiakar naka Isirael; ka adaun aronis. Aibo abu Isirael kodiakara? Aibo apotu kesi kiswamata akecediakar napolon? Aibo apotu kesi otiakarotor kama ejai Edeke?

32 Kwana kopupok ejok. Apukosi Matayo 24. Ido ne nges abu Isirael kiswama akecebucaret nakatwanare. Ne nges abu ngesi kiswama akediakar nawasia, ido ngin nges apolou naejaar ngesi ojautene ngol lolo. Matayo, esula 27 loka eijiri loka Matayo, ka ekokoro lo 25 loka esula lo 27. Ageutu bala e-ekokoro lo 21.

Konye kobongok ekayaiton kotema kes atia, ikotosi kaosikisi yes ingai ka luarei?" kobalas ebe, Baraba.

Kwana kiitu, arai ngin Isirael. "Baraba!"

Kotema Pilato kes atiar, aso ekonakini ai Yesu loenyaritai Kristo? (Opupok kes!) Kobalas kere ebe, "Kibubukinoi."

Kiitu, ngol Nges Mesia kes loabala Daniel ebe abeit abunore. Kiitu atupuruc na, kotoma aisia kane, "Ebunio Nges alemar, mere kanuKeng," mere kanu idiobore yeniswamat Ngesi.

...Kibubukinoi Nges.

Kobala ekayaiton ebe, kanukinyo? Naanyoin aronis nakiswamai? Konye kiyatakisi kesi aiworo noi ebe, "kibubukinoi."

Kosodi keanyu Pilato ebe mam nuepedori, konye...iyata ecelet, kolem akipi, kilot akekanin kakonyen nuka ekodet, kobala ebe, "Emamei eong akirot kotoma aokot nuka etunganan kalo loedolit: nukus bo ngun."

Kopupok! Ne nge ejai akesebucaret. Ne nges ejai akaseronis.

Kobongokis...itunga kere ebe, "Kobeikisi akeokot isio, ka ikosidwe da."

33 Ngina nges apotu kesi kiswamata aronis. Ajai Ngesi adaun aronis kanukec. Eipone ali tikeswama Ngesi idiobore kere dimarai aitim kes, kojoni ebe ayangaikini Nges aitumudak akecekonye, tetere oni ilomuni toma? Aputos bala Ikedwe Obe iworotos Akeokot. Ido aponi kitumudakai kesi, ido ajeni Ngesi ebe ketumudakitai kes. Ngina nges apolou na ainakini Nges emonyi aitimio kanukec. "Kitim kes, Papa, naarai mam ejenete nuiswamaete." Etumudakitai kes. Kotoma amamus aiyuunikec kapotu kiswamata nu. Konye nakeanyunata Nges bobo...Amen!

34 "Adaun aronis." Inyobo adiakar? Amamus aiyuun. Mam eyuunitos ebe arai Ngol Mesia. Mam apedoret aseseni Nges kwape Mesia, konye kerek kiswamate Ngesi nginibore kere yenabeit Mesia aswam. Konye mam kes apedorete aanyun ngin. Amudukaka kesi.

Aso kiany ijo itunga ebalas, "Mam eong eyuunit aitangal naka Edeke. Mam eong apedorit aanyun ngin. Mam eong apedori aanyun abatisao na naka Emoyo Lokalaunan." Mam itakadikin kede kes; emudukaka kesi. Ebalas ebe, "Mam eong apedorit aanyun Aisiraret naka Akebungun. Mam eong apedorit aanyun aibatisao naka Emoyo Lokalaunan. Mam eong apedorit aanyun aur naka emun. Mam eong apedorit aanyun iboro lu." Emudukaka, ido mam ejenete ngin. Ilipanak kes ailipanakin. Eebo.

35 Kotoma amamus aiyuunikec; konye, nakeanyaniata Nges, nakebunguna Ngesi bobo, itanagi ngin amamus aiyuunikec. Oo, ikatunga! Apukosi ber oni Ageun esula 25, 45, kasodete aanyun a-aitupuseteki. Ewadikat eong ice ne, lu Ageun 45, yesi luiwadikaete. Oo, eipone loaminar eong eijiri loajokan lomojong lo! Eebo. Kwana kijeni oni nekijai.

Ipupete yesi eong ejok, kokau naka aduketait? Ikeu akonakan kuju arai ipupi ijo eong ejok. Ejaas luiboete kosiep cut.

36 Kwana ilosi oni aisiom atutubet naka ekokoro kalo. Akoto eong ijo apupokin, ijo yenemamei Ebaibulikon. Ijo yenijaatar Ebaibulikon, erai Ageun. Nasodit ber, ageutu kotoma osula lo 44, agear kede ikokoron 27.

Erai Yosep, ido arai Yosep aitupuset nakabeit naka Kristo. Ijeni oni ngun? [Kotemari atukos ebe, "Amen."-Ekewa.] Kongarutu ikenacan (Kanukinyo?) naarai emoyoikinit ngesi, aseseni aitapoeta, ejuli airujasia. Arai ngesi etunganan loemoyoikinit akidingos naka inacanake, kosodi kongarutu nges. Kosodi papake komina nges.

Aso aponi Yesu kongarunai ikanisan luka idiinin, konye komina Papake Edeke. Kanukinyo kengaruniata kesi Nges? Naarai emoyoikinit. Naarai...

37 Apotu kolimokisi, abalas ebe erai Ngesi ekadwaran, ejokit.

Kiitunit ijo nuapotu inacanake Yosep kolimokisi nges? "abu ekarujaan je." itei ijo? Itei ijo, ibore ngipengin. Ido apotu kogwelasi Yosep otiai lo ariakasi nepetai kede lo agwelara Yuda Yesu, apesan akaisauni. [konanganang Onac Branham elutari irwan naipu—] ocakakisi nges aipany, kolosete alimokin papake ebe aiyar nges icebore, atwana. Konye aponi kolemunai kapany. Aponi Yesu kocakakinai aipany, kolemunete. Ido kanen abu kolot aboisit na ekiara kakere naejaunar akwap. Amen! Abu Yosep kolot akan nakoteten naka Parao; kolosi Yesu akan nakoteten naka Edeke. Kotoma aitemioke, nekerokor ber nges adakara...abu ber yesu, itor aitemio eroko edakara.

38 Kanukinyo, Eyuunit eong ebe arai Billy Sunday, ekalimonokinan loapolon, abu olim ebe, "Kangol-kangol kitoi ajaasi kede Imalaikan emilionit kotomake, kotoma apaaran naka aibubuo, ebala ebe, 'Iriu AkanKon, kododia neijaisio. Ijulakini isio ejautene lo aiboisit kana.'" Konye mam Nges apedori.

Kobala Kaiapa ebe, "Etajar akeijar; komam epedori aitajar luce." Mam ajeni ebe abeitnges aitac alimunet ngin. Korai kitajarite akeijar, mam tikepedo aitajar luce. Aso, abu kijaik akeijar, kanu aitajar luce. Itei ijo, emudukaka kamakangin. Kwana apotu...

39 Kosodi do nakejaar Ngesi ngina toma aitopolorioke, arai, eroko aitopolorioke, acodunioko...Kiitu, aponi kocakakinai Yosep aenis naarai amameete akiro nu agwaunit. Luko Rome, arai...

Ekapolon ajore naka Isirael, loarai ekekiror Potipar; abu Potopar kolot, ido abu koloi osapali. Ajaatatar

ngesi aberu naebus, kosodi akeberu airar Yosep elomuni togo aswam icebore, kosodi aitam aikamun Yosep aiswam icebore yenaronon. Konye ayongit ngesi Edeke. Mere alimok ijo, kes duc...

40 Yesi angor, ecelanak eong yes; kwana elosi ber eong atingar yes ipak edit. Itei ijo? Erai aberu isubat yenenonok. Ajeni eong mam ejaun ekiliokit loaronon koroko ejauna aberu naronon. Konye ikiliok luejenete ebe, ikiliok luejenete ebe irai ijo okoku loka Edeke, ido ikiliok luitwasamaete arereng ngin, kiruma yes ileic; mam ace nuiswamai ngesi, erai ngesi isubat yenenonok, ido ijenete yesi ngun. Karai kelot ngesi, aswam iboro bala mam erai aberu, ikam akekan kosodi ainerakin kede ngesi kwape inac. Irai ijo okoku loka Edeke. Mam iswamainikini kes iboro luarokok. Kosesen Yosep, arai aanyunet ngesi mamakon.

41 Ido neabu aberuke Potipar, aberu naebus, koyongong, naekiara kakere, adiope kotoma angor nuekiara kakere kakwap, kingainga ngesi kosodi aijodijod nges. Ido ibelokin ngesi, kosodi ngin aikamun nges kosi aitam atunun nges. Kosodi kipetipetikin ngesi kitoni alacar ekekoti, kosodi akerit kamake. Eebo ipa. Ido elomu ngesi toma, apotu kolimokisi ngesi aingal, kobalasi ebe, abu kolom toma aibu aisiol ngin, kosodi ngin ajalakin eke...kosodi ajalakin ekekoti kangina. Ido kanuka ngun abu kolot aidaris na emutono. Konye, kotoma aidaris, ajai Edeke kanges, mam ace neaponi kibwaikina ngesi.

Arai ngesi aitupuset naka okoku lokarereng. Kanginibore kere yeneswamai Yosep akerianar. Ido nebonguna Yesu kotoma apugan naka ikar elukumit, ngin nges apolou naeponiata amodingo amwekemwek kwape atur. Kanginibore kere yeniswamai Ngesi ekerianar. Erai Ngesi Okoku loka akerianut. Neibwaikini ijo Yosep kere, esirerengitai. Nejai Yesu kere, isirerengitai. Aso, ibwaik Nges otaukon ido araun loisirerengitai.

42 Aso idumuni kwana oni, ebe, aponi ibwaikina Yosep aidaris. Ido kotoma aidaris, ajaas ikiliok iarei; ediopet kakesi kabu koolio, ido ediopet aponi kitajarai. Yesu, kotoma aitemioKe komusalaba, abu ediope kokolak koolio ido loceje kitajarai.

Neketopolore Nges, Abu kolot akan nakoteten naka Edeke. Aponi Yosep kitpoloi, abu kolot akan nakoteten naka Parao, ido amamei etunganan loapedori ainarakin kede Parao komam ber kinerakina kede Yosep kosodi adumun acamakinio.

Ido naenyouna Yosep kore loka Ekabaka...Oo, ikatunga! [kibapakini Onac Branham akekanin nepepe irwan atipet—Ekewa.] Naenyounia Yosep kore loka ekabaka, koruikinete arupepen, kokerete ikiliok ngarenike, kobalasi ebe, kokukokinos, ebunit Yosep!" Amen!

Ido naenyouna Yesu kakan nakoteten naka kaLokapolon Lokokuju, epote arupepen aruikin. Kosodi nginikung kere akukokin, kanginingajep alimor, "Ebunit Yesu!" Abeit! Konye arai...

ido, kiit, nakengeriator nges ikenacan, anyoika abu ngesi kismama? Abu odum aberu Namoit; abu kodum aberu naka Omisiri. Naketiakarere Yesu koinacanaKe, Iyudayan, kokau kangina, abu komany ateran Namoit. Konye kwana, akaulo naka ikar, kedaun aur idwe, Epuraim ka Manase, abu kodum ekal.

43 Ido adiopepaaran, aputu ikenacan kopotu aipejoikin nges. Kosesen. Ijeni oni akiro ngun, eipone loabu ngesi kibwaikina ibore yenididi toma ngina, kanu ainyakar. Ido kosubite bala mam nges apedori einer akecengajep; ajaatatar loejuli, kanuka Iburanian, konye korai nges da eburaniat elope. Kosodi onacekec abunore kwap. Mam kejenete nges. Arai okokuke ekabaka loapol.

Ido kwape kwana, ipejonikini Kristo Iyudayan, itangali lukadekakakec kede kaceda, ido eroko kes ejenuna Loerai Ngesi, Mesia ngol.

Ageutu kokokoro lo 27 osula lo 44

Ido ekoneibulesit papaka kotema isio atiar, ijenete ebe abu akaberu kourik eong-abu akaberu kaurik eong idwe iarei lutelepai:

Ido konyou idiopet kaneajai,...

Arai ngol Yosep, nges ngopengol loeneratar kesi.

...Kenera ebe, "Abeit kaponi kopoopoi; eong da ageun kangin mam bobo aanyunit:

Ido arai kidemasi ngin da, kosodi kodoik aronis, itolomarete ca akakorwo toma okatwak kanuka aiturur.

44 Ajaatatar kesi Benjamin yenididi laiye, onaceke yenididi. Ijeni ijo ingai ebwoikinit Benjamin? Aibunget na nakitetet naka Iburanian lukabeit, obe luejaas ngina kwape kwana kanu aiswamaun ilukumin akwatat ka akaisaongon ka luongon na-atu na naejai apoloun. Mere imokoran luorotin lu, mam, mam cut; erai ngin naikiara adoketait ke. Mam ngun eraas Iyudayan. Mam ngun eraas Iyudayan. Iyudayan lukabeit nges luka Benjamin ludidik lu luejaas apoloun kotoma kane, ido mam epupunnitotor karaida Akirot naka Yesu Kristo.

45 *Aso do arai kalot mama ejai ebulesitikon papaka, komamei etelepat kasio: naarai akeijar imorikikina kaijar naka etelepat:*

Aijar naka Edeke Obe einikina kede Isirael. Edukokina Ngesi kede ngin. Ilosi oni adolokin nen kotoma odakikan idis, arai kitojok Ejakait. Edukokina Ngesi kede Isirael. Eyenikinitai aijaraKe mama kangin. Kwape kayenikinar eong nejai amucalat Branham kokau kangina, akaberu, ido ijo da iyenikinitai nejai akoniberu. Imorikikinitai akonijar tomake. Ido edukokina Edeke kede Isirael. Ido arai bo ngin inyo? Abala Yakabo ebe, "Imorikikinitai ido eyenikinitai aijaraka toma okoku yen. Abuni eong..."

...Kosodi arai keanyu etelepat emamei etwani, papake: ekonibulesit da itolomarete akorwo nuka ebulesitikon papakosi toma okatwak kanuka aiturur.

Kopupok aingainga naejai Reuben aijaikin kwana.

Naarai ebulesitikon nges abwouni etelepat kama ejai papaka, kobala ebe, arai mam... ayaun mama ijai, kabei eong akirot kama ejai papaka apaarasia kere.

Okwe, kengainait, kosal do ekonibulesit abois naka etelepat...

Oo, ikatunga! Itei jo, ebwoi ngesi ut koingaren naka Yosep, onaceke. Yosep nges lo, ido mam nges ejeni ngol. Oo, idareu kiton nakegeunor apugan ngin naka ikar elukumit, onac!

...kwana abois naka etelepat araun ebulesit loka ejakaitika;...

Kopupok nges, elimori ngol, "ejakait."

...ido kouparos etelepat kiinacanake.

Naarai ekwaikini ai alosi mama ejai papaka, komamei etelepat keong? Kenyek aanyun aronis naedolokini papaka.

46 Aingainga, ainakin akeijar elope! Eipone loeponiata Iyudayan ngul aibwo ikeetos akaninikec! Kosesen. Kosesen kwana okokoro lo 45...Kopupok ejok, mam itwaniari ngin. "Neapedoria Yosep..."

Kosodi kekurwoki Yosep...-aitik- aitik etauke kakonyen nuka ngul luabwoete aaput kanges;

...

Onac, nen nges elosere aitanang aronis. Elosi amamus aiyuun aisiarakin.

...kiworo kotema atiar, kitolomasi nginitunganan konyout...kaneajai. Komamuun itunganan yenabwoi kaneajai ngesi, naalimoror Yosep koinacanake.

Inyobo ngin? Karaida akeberu obe abu kobongo ore loka ekabaka. Oo, ikatunga! Ateran toma aibuses, kobonguni Yesu (Ibuni kwana oni Alomar toma kangin kane.) aitijenaar.

47 *Ido kodelo noi;...*

Mam Yosep apedori ayatakin atitingikin, kosodi kiluluk noi.

...kiirasi Imisirian, kiira da etogo loka Parao.

Kiton cut kau ngina ore loka ekabaka, apotu kiiras Yosep iluluei. Kwana, arai ngin aitupuset naka Kristo iriamunos kede Iyudayan, lu, ejeni Ngesi ebe abu Ngesi kitumudak tetere oni kijaun kede arereng. Konye nakebonguna Ngesi, edaun aronis naka Isirael.

Kotema Yosep ikeinacan atiar, Eong Yosep;...

Anyoika kiomit ijo abuni Yesu alimun? "Erai Eong Emesia kus. Eong nges lo apotu yesi kibubukisi."

...eringa papaka ejari? Mam inacanake apotu kobongokis nges: naarai eyalongongoete kakonyeneke.

48 Oo, ejai eong abwoun kane ipak edit. Apukosi ber oni Sekaria esula lo 12. Kopukosi kede eong kwana Sekaria, esula lo 12 loka Sekaria. Ido aticepak ajai eong ayangaikin apak naeaja mot kotoma ageun alimonokin na, konye eong-mam eong amuno. Ido eong -akoto yes adumun ngin, noi.

Sekaria, amoutu esula lo 12 loka Sekaria aanyutu nuelosi Ngesi alimun kwana nakebwoia Ngesi akonyen nuka inacanaKe. Sekaria 12, ido lo 10. "Adaun aronis," kwana. Eebo, esula lo 12 kosodi ekokoro lo 10.

49 Komisiik. Ido kwana inera Ngesi kane nuka atongot; alukunio naka Yerusalem; itiang ka ajoresio kere adaun alemar, kaiceda; adolokisi iboro kere angeset kwana; eyapikinit do kwana ne apugan naka ikar elukumit, edodor do kwana agear apugan naka ikar elukumit kwape kwana.

Abukokini ekek loka Daudi, ka luiboiete koYerusalem, emoyo loka (Inyo?) asianut...

Amen! Asianut nakaumokin!

...abukokini ekek...luiboiete ko Yerusalem, ("Ere lokalaunan" loka Daniel), emoyo loka asianut ka angainga: esesenete eong loapotu kesi kicumata, ibworos nges, kwape ibworor itunganan okokuke loteluna, ekudiani nges, kwape yenekuudiani ekiyaike.

50 Kopupok, ikwaikin bobo lolo atupuruc ngin ai nakebwouna Ngesi kangina, kitijenikin kes, kwape kobu Yosep kiswama! Kopupok.

Kapaaran kangin ejaun aibworo naepol ko Yerusalem, kwape aibworo naka Kadad-...

Mam eong apedori alimun ekiror ngol, K-a-d-a-d-r-i-m-o-...

...Kadadrimmon kotoma...Megiddon-Megidon

Ibworos lukakwap, ngolikek kowaike; ekek loka etogo loka Daudi kowaike, ka akecengor kowaike; ekek loka etogo loka Natan kowaike, ka akecengor da kowaike;

Ekek loka etogo loka Lebi...ka akecengor kowaike;...ido Simeon kowaike;

Ikekia kere luedeunos, ngolikek kowaike...ka akecengor da kowaike.

Epote ileic airum kes, nakebwounatar kesi kosodete aanyun ebe ngopengol loapotu kesi kibubukisi kosodete ainger ebwoi kangina, Yosep kes obe loketiai. Ebuni ajaun atupuruc kwape kangin! Ido epote atemar, "Aibo kidumakini ijo apoorei nu?"

Kotema atiar, "kotoma otogo loka ikapaper." Itei ijo nuapeleikinit eong? Aitanang adiakar, amamus aiyuun, ngin nges ebunit nges ebunitor Ngesi.

51 Ido lo nges ekar loka akaisakany kaarei loka Daniel, asabato naka akaisakany kaarei, atemasi, ebunit aitanang aronis, alear ngin awai. Imisiik kwana ijo? Alibo nasodit? "Aitanang adiakar." "Adaun aronis." "Aituluc numam adolit." Ijo yenijai aiwadik.

Ajaatatar eong ikokoron ice ikany kape, konye abuni eong aitor toma aitor, naarai emwana. Mam oni ikoto ayangaikin apak naepol noi. Akoto eong adumun nuipu kere nuapedori eong kotoma kangin, konye komam aitaar yes aojau. Eebo.

52 "Aituluc numam adolit." Amamus adolit nges "awam erono," kwape apotu kwi kiswamata komusalaba. Abu Ngesi ituluc, konye mam apedori aswam kanukec. Kanukinyo? Naarai etumudakitai kes ido mam apedorete aanyun ngin. Ido kanukinyo etumudakere kes?

Ibala ijo ebe, "Eebo, aticepak, lolo...naarai amudukana eong." Ipeleikinit ijo amudukanut. Amudukaka kesi naarai abu Edeke kitumudak kes. Konye ijo imudukana naarai ipeleikinit ijo amudukanut. Emamei alucio kanukon. "Arai mam ijo iyuunit ebe arai eong Nges," abala Yesu, "kitwanikini ijo aronisikon." Edolit ngin.

53 Kwana abongosi kau nejai Sekaria bobo, osula lo 13. Kwana apupokisi. "Aituluc." Kwana, aibo na...ajai eong amoot icetunganan, kiira na-kiira na, konye aticepak abuni Edeke adumun ecewai.

Kapaaran kangin epukorio...

"Kapaaran kangin." Ejaatar Dr. Scofield kane kotoma aiwadikaeteke, arai akou naka akiroke, "Atongot...Atongot naminakinit aitoronokin adodiaritos omusalaba."

"Ailuc numam adolit." Numam adolit nges "ibore yeniswamat ijo erono, yenabu ijo kojoni ejok, ebe mam kebusakinit ijo aswam." "Arai esubun adiakar otauka, mam Edeke ebuni akiirar eong."

54 Kwana kotoma Sekaria esula lo 13, Ageutu kokokoro lo 1-lo 1.

Kapaaran kangin epukorio atan mama ejai ekek loka Daudi, luiboiete ko Yerusalem aitalaunia kes karonis ka ...amamus aila.

Ejaun etogo engaara. Kolot ngaren; ti oni kinyikok aisiom kiton kwap. Akoto eong ijo aigirakin ngin tetere ijo kisiomi. Konye kwana, egirakinit eong kane ageun okokoro lo 6 ido kosiom lo 10. Eebo, kasiomata kwana kasodete aanyun, atemasi, kosiom kiton lo 9.

Arai kingit Nges idio atiar, 'Anyoika amusungun ngun kopurakon?' Kosodi ngesi abongokin ebe 'Ngun kes amusungun nukemusungio kotogo loka ipaperoka.'"

Ebala Ejakait loka ajoresio ebe kokweny, ijo ekileng asurokin ekecokonika, asurokin da etunganan epadicaka: kosen ekecokon, kisiarakinis amerekekin; ebelokini akakan nejaa

ludidik.

55 Kwana, abu Yesu kotak ekokoro ngol. Itei jo, "Kosen ekecokon kisiarakinis amerekekin." Konye komisiik ebe atutubet naetupakini. Abu Ngesi kotak nuipe kotoma kangin. Konye kosesen nuebala ekokoro loetupakini, atutubet naetupakini. "Ebelokini akakan nejaas idwe."

Ebunio aitajar Isirael, nginidiopet kakesi. Apukosi Isaia. Isaia, esula lo 66 loka Isaia, kasodete aisiom ipak edit kasodete aanyun nuebala Edeke nuikamunitos Isirael adumun aitajario, aojau naeyangaikini kanu Isirael aitajario. Kosesen eipone lokisunyakina abunore.

56 Apukosi kotoma Isaia, esula lo 66 ekokoro lo 8. Arai ikoto ijo aisiom ngin kere, eebo.

Ingai lem eirarit naikoni nen? Ingai eanyunit nuikote nen? Eurio teni akwap kapaaran adiopet? Idounio tope ateker katipet? Naarai napeariebakinar Sion, idou ikedwe.

Napekaanyunia Sion ebe erai Ngol Mesiakec, aponi ngin kourunai bob, kotoma apaaran adiopet, "Aituluc aronis, ka aituluc numam adolit, amumus aila." Oo, ikatunga! Apotu kesi kiswamat ngun nuaroko, ngun nuebucara. Aponi ailuc kiswamai kanuka epalikec.

57 Naongonet. Ainun adolit namam enangi." Ngin nges ibore yeniongonet yenabunitor Ngesi. Yeniongonet, kanuabunit Ngesi aswam, "Kanu-kanu ayangaun adolit namam enangi." Aitanang aronis; Aituluc; ka ainun adolit namam enangi." Neapotu adiakanaleta nuka Isirael kodolokinatar angetakinet... Neapotu adiakanaleta nuka Isirael...

Kwana ilosi oni a...akoto eong ijo aikamun na, naarai nakiyangaunia oni aberu ngin, ka apiu naponi kocakunai, ibuni ijo abongun cut kiton nejai ekokoro ngopengol bobo. Ekoto ijo aanyun ebe iwadikai ijo ngin. Nakedolokinata adiakanaleta nuka Isirael angeset, Satan loerai ekerupianikec ka ekerupianiwok, ebunio Satan aipucar kotoma aipany naemamei esange. Ikwaiki ai? Nakeyangaunere toma adolit namam enangi, ibore yenimam enangi, kere nuapotu koyangautu amamus adolit elemario.

58 Alototo ber oni nejai Apukokinio esula lo 20 ido ekokoro lo 13...Mam, elipit aitimio. Apukokinio...1 kitoni 3 erai. Mam eong aanyunit igirakinete ngin yenejai akidingosikec. Elomanari akainyinyir akonyeka. Apukokinio esula 20 kasodete aanyun.

Kasodi kaany emalaika ijusun kotoma akuj, itingit elacetait loka aipany naemamei enange ka erikot da loepol kakanike.

...kikam apiu, emun lokolosek, loerai ekejedijodon ido Satan, ido koen nges adaun ikar elukumit,

Kocakak nges aipany, kogolok, kipucak aipucet kujukeng, kinyek bobo aingalingal atekerin, aitodol naedaunotor ikar elukumit: Akaulo kangun...ibusakinin nges aosikinio apak naedit.

Aiswamaun namam enangi..."Ainun adolit namam enangi," Satan kotoma aipany naemamei enange. Ido nakiswamauna Ngesi ngun, kosodi aipucar ajokit naengalingal itunga.

59 Kwana abongosi kau nejai Kabakuk esula lo 2. Kabakuk, esula lo 2. Ido kwana ilosi oni aanyun kanukinyo epucara Ngesi emun, ido kanukinyo keswamaunere ngun, ido inyobo ebuni aiswamaun akaulo nakipucarere nges. amina eong na, idobo ijo? [Kobongokini atukos ebe, "Amen."-Ekewa.] E-eyangauni oni aijen naka ice. Kabakuk, Kabakuk, esula lo 2 ka esula 14. Eyuunit eong ebe erai, akoto eong aisiom. Nakiswamaunotor nu...Kosesen.

Naarai ilelebun akwap aijen aibuses naka Ejakait kwape arapitotor akipi angolol.

Ooo, ikatunga! [Kibapakini Onac Branham akekanin-Ed.] Otukui! Kacekiro, edaun alemar loka asurup, adolu esange loka aronis, adolu ainunio naka adolit namam enangi, epucar Satan kotoma aipany naemamei enange, ido ebuni aijen naka Ejakait arapiar akwap kwape kerapitotor akipi angolol. Amen! Aibuses mama ejai Edeke! Ebunit, onac, ebunit! Epote angor araun amucalan epote ikiliok araun ijaka. Amen!

Naerapiara aijen naka Ejakait akwap ka angolol ka apak;

Ido, oo, idinya ekatau, emonyi kanuka apaaran kangin nakitolmunere nuejjijim,

Naebunio Yesuwok abongun toma akwap bobo.

Amen! Eebo. Kwana, ejaun do apugan naka ikar elukumit. Apakio ngun nges ejaunor apugan naka ikar elukumit, naepunere aiduk Ere. Kace...ajaas eong kede bala ikokoron ikanykape, konye ibuni oni aisunyakini. Kwana, neibonguna oni, ekamari do eong kede ikokoron luce lu; konye ber aitodikin ijo aomisiot ka alalus.

60 Naikanyet. "Aipucar aitapoet ka adwaranut." Itei jo, abunit Emalaika ngol aipucar aitapoet ka adwaranut.

Eong-angara eong alimun nu. Konye, ecewadikan loapolon, loasiomi eong nuke kapaaran kaya, korai mam nges kigurwokinite ngun! Abala ngesi ebe "inyobo arai..."

Kwana, kanu aitodikin ijo aitodikin eipone loabanganar...Oo, kitimoi eong, mam eong apeleikinit alimun ngun. Kitimoi eong. Mam eong apeleikinit ngun, mam cut eong apeleikinit. Mam. E-e-etunganan loemamei anyonyoikinio, itei jo.

Abala etunganan ebe, "Kiseseni ijo kane ebe aitapoeta ka adwaranuto acamakinitai nejai ekanisa loka Iyudayan." Kosodi atemar ebe, "Anyoun apaarasia nuka Daniel ngaren, nekebungio Daniel, akepolou ebe mam bobo apote ajaun atapoeta arai adwaranuto." Ebala "Iboro lu kere luineras kesi lolo nukec, nuikamunitos ajaut kede aitapoeta ka adwaranuto, erai kere iboro luka ajokit," ebe "emameete iboro kangul ebe aitapoeta ka adwaranuto."

Onac, ipu inabin luopotu kotupakisi akaulo naka Daniel. Ido ajai Yokana Ekebatischen. Ajai Yesu Kristo. Ajaas inabin amear aitutuket nakitetet. Ajaas atapoeta. Ajaas imalaikan.

Eipone ali kotoma akwap epedoria etunganan alimun kwangin? Konye, itei jo, ajaas ngin kede alosikinet nakaronon, aitam airupakin icebore otunga, aitarauun ngin aisisianakin naka ekanisa, arai ibore yenedit, aitarauun ibore ilopet mama ejaas itunga. Ido arai mam itunga ejaatar ka Emoyo Lokalaunan, kingalangalaunos kede ngin.

61 Kwana, ayangasi ber oni nuabu ecetunganan kolim. Kwana, emamei ekokoro kanu aitogogong ngun. Aso eipone ti ali acamuna eong ngun? Eebo, aanyutu ber oni cut nuarai aipucakin. Kosesen! Abunit Ngesi aswam ngun, aipucakin atapoet ka adwaranut.

kwana, apukosi ber oni kau nejai Daniel, nekipou kajaas. Laije toma Oitaabo loka Daniel, kidumuni oni cut nuabala. Kwana apukosi Daniel, esula 12. Kwana, kwape kidolokina Daniel 12, kwana kipedori oni ageun. Kasodete aisiom agear...Ilot ijo ore, akoto eong ijo aisiom agear okokoro lo 1 ape. Asiomata ber agear okokoro lo 1 kiton lo 4.

Kapaka kangin ebwoi Mikael, ejakait lokapolonloebwoikini idwe luka itungakon...

Kwana, erai na apaarasia nukawasia.

...ido ejaun apak naka aburun, namam apengo ejaunit ageun... kateker...

Erai nen naebunio lokasurup loka Kristo, ekebwaneniton loka aipucet nasodit alosit ngaren, nekikamara ngesi aiboisit.

...ajaut aitodol apak ngin...

Mere kotoma apak nabu Tito kikamara arwatatin nuka ko Yerusalem. Arai ngin kotoma aiboisit adiopet bon. Kosesen nebunio lokasurup loka Kristo lo, ekabaka loabeit abunore, kosesen nekebungio ngesi.

...aitodol apak ngin: ido kapak kangin eyuunio ikonitunga, nginidiopet yenetakanuni iwadikatai oitabo.

Aleluia! "Ikonitunga," Isirael, "eponio aiwadik toma oitabo."

Ido ekwenyunete da luipu kangul kaluejotoete kotoma apua naka akwap, ice neejai ajar mamam edaun, ice da mama ejaas ileic ka amwangio namam edaun.

62 Eipone ti ali abu ngin kojaunor neabu Tito nekekamara Tito arwatatin nuka ko Yerusalem? Biai ti abeitaraun? Mam tikepedo araun. Itei jo, inera ngesi nuka apaarasia nukawasia, kotoma ajarun. Ngin erai nakabeit? Kwana:

Ecaunete da ngul lukacoa kwape amwekimwek naka akuj; ngul da luibelokinete awai... luibelokinete luipu mama ejai adolit... kwape aacer ikar ka ikar...

Kopukok! Ena kane, apucet cut, nakabeit.

Konye jo, wu Daniel, kimunon akiro, kipuc eitabo, aitodol apak nakawasi:...

63 Inyobo ngin? Oo, aleluia! Kisesenete yesi ngin, atukot? Apukokinio na naka Yesu Kristo, ka naka Akepedori, naka Akebunore, naka apak nakawasia, aponi kipucakinai kiton apak na. Ngun kes abunit ngesi aswamam. Kibwaitai kanejaas luesiomitos; mam erai nukaumokin ebe ekotosi kesi aitwasam, "aipucakin ngin," kokau kangina, kanejai "edio enabi," ido kanginibore kokau kangina. Emameuni akepolou. Konye atapoet, atapoet na, kipucakinitai kiton kwana. Ido nen ngesi asipokinit eong akaiyuun, ebe ebuni Edeke apukor asabaton akaisakany kaarai. Amen! Kipuc ngin," Abala Ngesi ebe, "kiton apak nukawasia.

Imunon Akiro ido kipuc eitaabo kiton apak nakawasia.”

64 Anyoika bo abu Ngesi kiswama? Aipuc aitapoet ka adwaranut! Abu Daniel kodwarite oboro lu. Aanyunit ngesi ngin kotoma atapoet, kosodi Emalaik abunore aipuc atapoet, ka aipuc adwaranut. Epedorete kesi aisiom ngin, konye mam epedorete amisiikin ngin, kiton apak nakawasia. Apak nakawasia, ali bo apak nakawasia? Angetakinet naka asabato naikanyetkaarei, naebunio ekabaka ngol, lokasurup loka Kristo, kebunio apukor, kotoma apak kana, amarakin bon ebe Edeke. Koipone ali kijenuna oni ebe kipucitai nu kiton apak? Abu Daniel kitor aitor; lo Nges esula lokawasia loka Daniel.

65 Abu inac Simpson apaaran na, ebala ebe, “Onac Branham, asiom eong eitaabo kere loka Daniel. Eong-mam bobo eong ajeni esawa loabwauna eong, angetakit eong, komam ajeni neageara.” Ena kane, Inac Simpson, arai ijai ijo ne atibong na. eyuunit eong ebe aseseni eong nges kalaije. Mam eong abu kalim idiobore aboogi kangin. Abu eong enapakin, 'naarai aomit eong ebe aticepak abuni eong adolokin mama ejai ngin.

Konye, atapoet nabu Daniel koany, kokwap kalaije ariri naka ecilet, aponi kipucakinai, “kiton apak nakawasia.” Erai...Enyikok ber eong aisiom ngin kane. Kiany?

Konye ijo, wu Daniel, kimunon akiro, kipuc eitabo, aitodol apak nakawasia: ekerete luipu lailo ka laiye, iyatakin da acoa.

Kasodi eong, Daniel aseseni, ido koany, ebwoete ice...iarei...ediopet kowai lo ariri naka ecor, ece juwai kariri naka ecor.

Kosodi ediopet kingit etunganan loenapit ebaputa, loajai kuju akipi nukocor, ebe, "Itodoli bo ai kiton osange loka nukaumokin nu?"

Kwana kopupok.

Korio etunganan loenapit ebaputa, loajai kuju akipi nukocor, akekan nakotetet ka akekan nakokediany da kiton akuj, kasodi apupun nges iyapoi kolimite ngol loejareneni ikar kere ebe, itodoli, apak, ka apakio, ka atutubet;...

Kwana, ipupi oni ejok-ejok cut, apak ka, apakio ka, atutubet.” Kwana kosesen nekidolokina oni toma asabaton akaisakanykaarei nuka Daniel, eiopone loelomuna ngin. Nen nges elosrere apukor ayeyea. Eebo. “Apak ka, apakio ka, atutubet.”

...ido kedau ngesi...("nges," alimunet naitodunit etunganan kwana, lokasurup loka Kristo) ... abilibil apedor naka itunga lukalaunak, (nen nges ne ebilia ngesi atutuket na kakidingos naka esabato), kosodete konye ngun kere aitodolikin. (Amen.)

Kasodi kapup, konye mam kajen: kasodi atemar ebe, "Wu... Ejakait, nuelomunete kangun kere anyoika?"

Kosodi kotema atiar, "Kolot Daniel: naarai emunon, epucakin da aitodol apak na..."

Kobwouni ber Onac Branham. [Kotemari atukos ebe, “Nakawasia!”-Ekewa.] Oo, mam ijo kimurokini ngin!

Kiton apak nakawasia.

Kitesegaros luipu, italaunos, ililiaunos; konye iswamaete lukaronok nukaronok; emameun yenikaronon yenejenuni: konye ejenunete ngul lukacoa.

66 Aisiraret naka apak nakawasia nges ebuni apukor ngin; atur naka ekanisa lokawasia. Abuses! Otukui! Ikote nen! Oo, Ikatunga! Isirienguni eong, aomoom nuikamunitos ngin, aiyeyea!. Iboro luirwakanakina ekanisa loka akwapin akonyekec kosodi atemar, “Erai abanganut.” Ayeyea naka Kalo arai Yesu Kristo; mere etunganan lokiuniet, mere etunganan lokiareit, mere etunganan lokiuniet, konye Etunganane loka edeke. Ido nukayeyea nuce nu nuka Edeke aponio apukor, naarai iwadikatai ne toma oitabo, kosodete apukokin nejai atur nakawasia. Mam epedorete cut aanyun kotoma osomeron lu esiomere akiro nuka ediini, ka isomeron, ka idiinin, kwape mam Iyudayan apedoriat aanyun Yesu araut Mesia. Mam erai aumokinet ebe atamitos kesi akenar ijo ebe emunara akou. Mam erai nukaumoki ebe eomitos kesi ebe ibangana ijo. Mam erai nukaumokin ebe mam kes emisiikinitos ibore yenimam ijo idicatar kede kes. Naarai ejai apedor ka atapoet kauke, Akivot naka edeke na adaun apukor, kanu abwaikin Ekanisa ainapeta kanu Auruporo ka alosit Ore. Eebo, “Epote luipu akerit lailo ka laiye, ido iyatakin aijen.” Abeit cut.

67 Kwana, inyobo icebore yenebeit ojenun? Kaany lolo, okanisan. Kwanata. Amuno eong ebe mam eong etuguikini ijo, konye ebeit eong alimun. Aitaraun...

Kotoma kapaaran kangin ejaun lokasurup loka Kristo adakun.

Kwana, kiitu, iloma oni toma Aipuceta, lokasurup ngol loka Kristo irengei cut kotoma Aipuceta kangun. Abu Daniel kiner nukeng kane, "Ekabaka loabeit abunore." Abeit ngesi alemario, Yesu elemari, kanu ailuc kanuka itunga. Konye, "Ekakaba ngol loabeit adakun, loabeit ayangaun etal liswamaauni amudiaro," arai ngi Rome, kama ka Tito. Ido apak kana, erai ekabaka loelomuni ko Rome, abuni aswam ngin. Ido eponio apukor nges kotoma apaaran nakawasia, kwana kopupok "adakun ebe erai ngesi Edeke," kwape kikwenyaritor Emoyo Lokalaunan kotoma Isesalonikan, luareit, lu 2.

Alototo tomake, Isesalonikan, ido mam yes ipote adumun akakirok konye Akirok naka Edeke. Isesalonikan luareit, esula 2 ido ekokoro lo 12. Kaanyutu. Isesalonikan luareit, esula lo 2 ekokoro lo 12. Kaanyutu. Ageutu kokujuke, okokoron 7.

Naarai ageu aiyeyea naka epali aswam;...

(Paul lo kiner, ka Emoyo Lokalaunan.)...

Konye-konye loitikokinit kwana iswamai aitodol naelemarere ngol awai.

Ingaibo "Ngol" kane? Idiotunganan ejeni? Emoyo Lokalaunan "Itikokinit."

Kosodi konyet epukorio lokepali,...

Iwori bo? Apak ngipengin nakelemarere Emoyo lokalaunan, loeyapie anyoun kwape kwana. Kanukinyo enyounia Ngesi? Ayangar Ekanisa nepepe Kanges. "Apukor!" Enera Paul, kwap naka anyonyoikinio.

Eari Ejakait Yesu nges keiyengane loka aitukuke, ka amudiar da kotoma atakanun naka abunoreke: (Lokaronon, cabo)

Abunore naka ngol lokepali naiswamai Satan ejaun kapedor kere kaanyuneta ka nukaumokin da nukengalak,

Erai isio ekanisa lokapolon. Kijaar oni nu. Kijaar oni nu. Yesi kere imorikikinos nepepe," itei jo. "Isio nges luapolok." Nukaumokin nuka aingal!

Ka aitapaar kere...namam adolit mama ejaas ngul lueoliorito, naarai mam kopotu kocamut amin abeit, kosodete aitajario.

Kanuka ngun, kijukakini kes Edeke aswam naka apaar, tetere iyuunete nuka aingal:

Tetere etubokinio kere lumam iyuunite abeit, konye luisiyalamikinito amamus adolit.

Imisiikinito yesi ngin? [Kotemari Atukos ebe, "Amen."-Ekewa] Oo, ikatunga! Kwana, Paul enera. Apak naepukorere Aipucet naka Edeke, Ekemoyo, Ekekiror, Akesianut, nuka aiyeyea nuapolok ngun kere nuejaas alosit ngaren kwana, ainapeta nuka Ekekanisa alosit toma Auruporio; abukokinito naka Emoyo Lokalaunan nges eswamau nu. Ngun kes keswama Ngesi kotoma apaarasia nukawasia.

68 Kwana, kaanyutu, oni kijaar kapak kanuuka nawasia? [Kotemari atukos, "Amen."-Ekewa.] Naikanyet kape, "Anyonyoikin da abois Nakalaunan noi." Oo, Ikatunga! Adiopet na! Ibore yenawasia yenebeit Ngesi aswam, nges inyo? Kwana, abongosi ber oni kau toma Daniel, kaanyutu kere nuebeit Nges aswam kane. "Asabaton akaisakanykaarei." Inyobo ebeit aitodolikinio kotoma kanu? Eebo.

...ecorakin asabaton akaisakanykaarei otungakon korekon da lokalaunan, aitanang adiakar, (adiakanareta nuka itunga),...adaun da aronis (kanuka itunga), aituluc numam adolit, ka ainun adolit namam enangi, (kanuka Iyudayan), aipuc da aitapoet ka adwaranut (kiton apak nakawasia), ka ainyonyoikin da aibois nakalaunan noi akinyet.

Ngun kes alosikineta akanykape nuka abunoteKe.

69 Kwana, "anyonyoikin aibois nakalauanan noi." Kwana, aticepak itegelikina na mot, kanejaas yesi esisianakinak luipu, konye kotitingik ber ijo mot, kosesen eipone loelomuna.

Erai na ainyonyoikinito, mere etunganan. Edaunitai Yesu sek ainyonyoikin. Ngin edolit? [Kotemari atukos ebe, "Amen." Ekewa.] Abala eitaabo loka Aswamasio ebe abu Edeke inyonyoik Yesu kede Emoyo Lokalaunan; abu Ngesi kolot kiswamai nukajokak, kitangali lukadekak, kaceda. Edauna Yesu sek. Erai Ngesi Mesia. Ido Mesia akepolou ebe "lo inyonyoikinitai." Ngin erai nakabeit? Konye kane apaarasia nukawasia, ebeit Nges ainyonyoikin aboisit Nakalaunan noi.

Inyobo "Nakalaunan noi"? koipone lo asesena eong, loeyuunit eong ebe apedori eong aitogogong kede nuiwadikaere, nges ainyonyoikin "Nakalauanan noi," loebuni araut Eyekalu loebunio aitwasam kotoma apugan naka ikar elukumit. Kwana kopupok, koany kanukinyo alemuna eong ngin. Kitetemunitai kotoma Esekiel, e-esula lo 4, lo...Mam, apeleikinit eong esula lo 43, eebo, ekokoro lo 1 ka lo 6. Abongosi nejai Esekiel kasodete aanyun eipone loitupusitor apugan naka ikar elukumit, eipone loinyonyoikinata kesi

e...Ezekiel 43, ido kasiomata ber oni mot kane kwana kasodete aanyun nuelosi Ngesi aswam kotoma anyonyoikinio naka apugan naka ikar elukumit. Kotoma Ezekiel 43, eebo, ido kwana ageutu kede ekokoro lo 1 kiton loikanyet kape. Kipedori ijo aisiom angetakin kidau ijo adolore ore, eebo cabo, yes luiwadikaete, Ezekiel 43.

"Akaulo kakiro..."

70 Kwana, kosesen, aitetemunio naka Eyekalu loebet adukio kotoma apugan naka ikar elukumit. Kwana, idiotunganan, ekasioman edio loejeni, ebe ageun Ezekiel esula lo 40, kiton bala esula 44, mam erai kotoma akwap konye kotoma apugan naka ikar elukumit edukio Eyekalu kakwap, (idiotunganan kere ejeni ngun, itei jo), Nakerapiara aibuses naka Edeke nges, kaceda koipone kangol. Kwana kilosi oni aitetemun Eyekalu kotoma osula lo 43, ido ikokoron lo 1 kiton lo 6.

Kosodi kokau kayau orute, nges erute loeseseni kide.

Ido koany, kobu aibuses naka...Edeke loka Isirael korot lokokide: eporotoke da kwape eporoto loka akipi nuipu; kiliyau akwap kanuka akeibuses.

Kosubite bala atakanu naka aitapoet naanyunit, bala atapoet naabu kaany naabunio Ngesi amudiar ere: ekote atapoeta bala aitapoet naabu kaany kocor Kebar; kebiror ebuburia.

Koloma aibuses naka Ejakait Oyekalu korot loka erute loeseseni kide.

Kadaka Emoyo Lokalaunan eong, kayanga kiton alaro nakotoma; ido koany, kileleba aibuses naka Ejakait etogo.

71 Ainyonyoikin, ainyonyoikin Eyekalu ngon kanu apugan naka ikar elukumit. Kwana kosesen kotoma Olebin. Kwana kosesen eipone loesirerengere kotoma Olebin, kidumuni oni ebe abu Musa kinyonyoik Eyekalu. Abongosi ber oni kau kanepakanen, ejai oni apak naepol. Kabongosi Olebin kasodete aanyun ne enyonyoikina Musa Eyekalu, kotoma Olebin esula lo 8.

Oo, aminakinit eong aitirian ikokoron kiton okokoron. ijo mam imina ngin? [Kotemari atukos ebe, "Amen." -Ekewa.]

Kosodi do ijo-ijo adumun a-a-aimisiot naka-kanu imoot oni kede nuijai oni aswam. Kwana, idio kayesi kere adau amisiikin ebe itwasamai kwana oni ikokoron isawan kere, kanukangin.

72 Kwana, esula lo 8 loka Ilebin, ido egirakinit eong kane, okokoro lo 10. Kopupok Ilebin 8:10. Kaanyutu.

Kiting Musa akinyet nakinyonyoanakina, kinyonyoik ewema lokalaunan ka luejaasi toma kere, kitalau;

Ido...kobwatak Otem irwan akanykaarei,...kinyonyoik Etem ka iboroke kere, ka akalaya ka aigangetke...aitalaunia kes.

Kobukok...akinyet nakinyonyoanakina akou naka Aaron, kinyonyoik nges, aitalaunia nges.

Musa, kotoma amoding, kitalauni, arai kinyonyoanakini Eyekalu loka aima, kanuka idwe luka Isirael neajaatar kesi korotokec. Enyonyoikinitai.

73 Kwana, kotoma Aisitonokin nakiareit, kopuko, ido kibuni oni aanyun ainyonyoikinio ebe neabu Emoyo Lokalaunan kiboikiner aiboisitike kotoma Oyekalu, ido kosesen nuapotu kiswamaunos kwana. Kotoma Aisitonokin nakiareit esula lo 5, kasodete agear kede ekokoro lo 13. Aisitonokin nakiareit esula lo 5, ido ageutu kokokoro lo 13.

Kosodi do kanen...erautu ikakutak arupepen ka ikayook bala... idiopet, aisiirario eporoto idiopet...aiturit ka aimal Ejakait; kitonyoutu kesi iporotoikec nepepe karupepen ka aisinin nueruosi kere, kituritos Ejakait ebe, "Naarai ejaenena akeitim ikar kere": kosodi do kilelebun edou togo, nges etogo loka Ejakait.

Mam isasedotin apotu kopedosi aibwo aijanakin kanuka edou: naarai kilelebun aibuses naka ejakait togo loka Edeke.

Abu Edeke odok toma aiboisit nakalaunan nabeit ainyonyoikin, ido aponi kijaikinai nges kanuka itunga abunore aima. Aso, ainyonyoikin, mere aiboisitikon "Nakalaunan," konye ainyonyoikin aiboisit "Nakalaunan noi." Ido kianyuni oni, ebe, Yerusalem nakitetet nges aiboisit "Nakalaunan noi." Ido ebuni ainyonyoikinio ajaun Yerusalem naijesun kama ejai Edeke kotoma Akuj, kisirokinitete kwape ateran kanuka okilenike. Ebuni ainyonyoikinio ajaun mamakec.

74 Kwana, naetingikina Serubabel eyekaluke, akaulo naetemunere aiduk, mam bobo aponi kisirerengioi,

naarai adaunitai sek ainyonyoikin; kosodete atiaikin kwap, ido aponi bobo itemunai aiduk. Amudiaro nabu kodoik ngol. Aponi bobo itemunai aiduk kosodete asipokin, aso amamei bobo anyonyoikinio kanuke. Neaponi kinyonyoikkinere kirwanatipet, abu ngin kinyikok cut kiton apak napana da. Konye naesipokina Edeke Eyekalu loka apugan naka ikar elukumit, ebuni Ngesi ainyonyoikin Nakalaunan kakere; mere "Nakalaunanikon" konye "Nakalaunan noi."

Konye naikamara Ekabaka Ekeicolong kanuka ikar elukumit, (Abuses) ongetakin kwana ngin. Ainyonyoikinio naka Nalaunan noi nges ebuni araut ibore yenawasia aiswamaun.

75 Naesipokinere Eyekalu; adolu ajarun; abongosi Iyudayan; adolu Kristo kede Aketeran; Eyudayat, epucar ilukumin akwatat kede akaisaongon kaluongon; ajaun epucit loka ikar elukumit. Ebuni ajaun ainyonyoikinio nakinyonyoikinere aibois Nakalaunan noi; Nakalaunan kakere, ido Nakalaunan noi. Naerar, aiboisit Nakalaunan noi aboisit nakalaunan naeboienenei Edeke kotoma, kiding naka Ikerubin. Ido, kotoma apak kana, ebuni Kristo aiboikin toma aiboisit Nakalaunan noi, kede ainyonyoikinio komamaKeng. Mam ebuni ajaun eipud loka akolong kangina, naarai Imerekek akidingos naka Ere Nges ebuni araut Aica. Mam akolong elomari Kore kangol, ka atapitor mamai epolon Jim alimunun. Ido mam ebuni ajaun, naarai Kristo Nges ebuni araut Aica ngin, Loinyonyoikinitai. Kosodi Ekabaka abunore aikamar Ekeicoong adaun ikar elukumit, aipuga.

76 Yeremia3:12-18, kere nepenen, kasiomutu. Kotoma Yeremia esula lo 18, acamunit eong. Eebo. Mam, esula lo 12, itimoi ber, esula lo 12 loka Yeremia, ido kageutu kede lo-lo...Yeremia 3, itimotos. Yeremia 3, ewadikat-ewadikat eong ne, aibo kane, nesisia eong, Emoyo lokalaunan kitolosi eong kaboisit kiton aboisit, kewadikat eong na ejok cut. Yeremia 3, kosodi ikokoron 12 kiton 18, da nepenen. Kasiomata.

Kolot kolimonok akiro nu koseseni agolitomei, kiner atiar, Ebalu Ejakait ebe, kobongu ijo Isirael nakabongonoran kau; mam kaseseni ijo kanyunyura; naarai ebalu Ejakait ebe, arai eong lokaitim mam anyunyuranakin ikar kere.

Ebalu Ejakait ebe, na bon, kolimo numam adolitekon, ebe idiaka kama ejai Ejakait Ekonideke, isiarak ikonirotin mama ejaas imo kokwap kangolikitoi loepesit,

Ngun kes apotu kesi kismamata, kageun kokide, to, kangin kwap. Itei ijo?

...ido komam kirimarit ekaporoto.

"Kobongutu!" kopupok na.

Kobongutu, Yes idwe luibongorete kau; naarai arai eong lokowaikus (l-o-w-a-i-k-u-s)... arai eong lowaikus:...

"Etumudakitai akecekye, naarai ainak Eong imo arereng. Konye, kobongutu, naarai arai eong lowaikus."

...ido kalemuni yes, ediopet kore iarei kokek,...

Mere kere luenyaraikina ebe Iyudayan epote Alomar toma, Benjamin ngin yenididi yenabu kotakan kakonyen nuka Yosep, atukos ngin naelomunit kotoma kanginikwap, ediopet kore, ka kotoma kokek.

...Kayau Sion:

Ido kainakini yes ikecokok kwape ejaar ekatau, lukitanyamenete yes kacoa ka ajenun.

Kosodi kanen, ebalu Ejakait ebe, naipwakarotor iyatakinotor da kwap, kapaarasia kangun, mam bobo ineras ebe, A-Asaduku naka aitutuket naka Ejakait: mam aomisioitike elomari otauonocek: mam iitunete nges; mam-mam ipejonokinete nges ido mam bobo iswamao.

Kapak kangin emaikinete Yerusalem eicolong loka Ejakait; (kwape kebunio Ngesi ajaun ngina, itei jo), etukonokinos atekerin kere (aleluia) mamakeng kokiror loka Ejakait, Yerusalem: ido mam bobo elosenete kwape aninik naka itauonocek lueroko.

77 Kapak kangin nges kinyonyoikinere Ere ngol. Nges kinyonyoikinere Yerusalem naitetet. Ido akwapin kere nuka Ore...Kalaije kotoma Apukokinio esula lo 22, ebalu ebe mam irutei egolio kuare, naarai emameuni akuar kangina. Kosodi eyangaunete ikabakan kere luka akwap ekeceyongion ka aibuses Ore lo. Apote akawatatin araut amor nuka ayaseper ka sarudio, iponesio itomon ka luarei luka amor; ka irutei itomon ka luarei epote araut alunguret adiopet naimorikikina, adiopet kanginirute. Emameun eipud loka akandol kotoma kangina. Emameun bobo aica ece, naarai Imerekek yenejai akidingos naka Ere Nges ebuni araut Aica. Ido ebuni Ngesi aingarenikin Iketunga kiton aijar namam edaun. Ejaunos ikito iarei ebwoiete, ediopet kosiep ediopet loka ecilet, ido eraas kanuka angaleu naka akwap. Ngol Nges loinyonyoikinitai loebet abunore, Ere lokalaunan loijesun kama ejai Edeke kotoma Akuj, abunore kiton akwap.

78 Kwana aanyutu ber oni nuepote aiswamaun kapak kangin. Oo, ijo imina ngin? [Kotemari atukos ebe, "Amen."-Ekwwa.] Apukosi Isaia 65, apak edit. Ejok noi aikalam. Ejok noi ajalakin. Epedori komwanamwanate, konye enyikokis ber oni kwape kwangin.

Isaia 65, kopupok nuepote aiswamaun kapak kangin. Kosodi aingitakin, epapero loirai ekadiakanaran, arai ijo-arai kitwania ijo na. Isaia 65 ageutu kede bala ekokoro lo 17. Kopupok, nginitunganan, ejok kwana. Erai toma apak naka apugan ikar elukumit, apak naka inyonyoikinere Nakalaunan noi.

Naarai koany, asubi akuj nakitet, ka...akwap da nakitetet: Mam nusodit iitunio, karaida Alomar toma aomisio.

Konye...kiyalaminos yesi, kolelakis... ngin yenasubi eong ikar kere: naarai koany, asubi Yerusalem...asubi Yerusalem araut (Erai ngin Yerusalem nakitetet) eibwong ka iketunga ailel

Inyobo ainyonyoikinio? Aiyalama naka Edeke.

...asubi Yerusalem araut eibwong ka iketunga da ailel. Ido ebwongakini eong Yerusalem,...

Ekabaka kotoma oicolong, ekabaka lokapolon kotoma Oicolong, eicolong lomam edaun, ka itunga lumam edaunos kede aiyalama namam edaun kotoma Ore lomam edaun! Oo, iketunga!

Ebwongakini eong Yerusalem, alelakini katunga: mam bobo epuponio eporoto loka elulu kotomake, karaida eporoto loka aimony.

Mam bobo ejaun imukeru yenejari apaarasia nuikidioko, karaida ekimat lomam itodolikinit akepaarasia: naarai etwani ikoku yenika ikar akwatat, ikenio da ikadiakanaran yenika ikar akwatat.

Edukete da itogoi, iboiete kotoma;...iraete imanikoria luka emusabibu, enyamete da araitokec.

Mam edukete kosodete ice aiboi kotoma; (erau ngin, ijo atwanare do ikokukon aikamar)... aiduk do ice ebuni aiboi kotoma; mam iraete, kosodete ice ainyam; naarai ejaunos apaarasia nuka itunga kwape apaarasia nuka ekitoi, ebusete luseunaka elelakinete aswam naka akaninikec.

Mam itaaritos atai, karaida aidoun idwe luetulanario; naarai eraas kesi aur naka luisirerengit Ejakait, ka ikecedwe da kakes.

Kosodi kanen,...eringa kes iwoneo, eii eong;...(Anyonyoikinio nakaibuses, kotoma kau naka ekerubit!)...eii eong; ido eringa inera, eirari.

Ebala Ejakait ebe, edakasi rwaru epeet ka imerekek nepepe,...enyami engatuny ariang kwape emong: apua nges eraun inyamat luka emun. Mam isiriebete karaida amudiar korongataka kere lokalaunan. (Ipedori ijo atwaniar ngin? Mam!)

79 Kosomun cut kau ne bobo, ido Isaia inera bobo, kotoma osula lo 11, ido ekokoro lo 1 kiton lo9. Kopupok nuinera ngesi bobo, neadumuna ngesi aitapoet, akaulo na nges aanyun aberu, eipone loeponiata kesi ajaun kotoma apaarasia nukawasia. Ni...Eebo, Isaia 11, kiton 1.

Naarai elomuni alibunet katorom naka Yese,...atenut da naelomuni kaliasioke erau araito: (Arai bo ingai ngol? Kristo.)...kaliasioke: Iboie Emoyo loka Ejakait kanges, Emoyo loka acoa ka ajenun ka agogong, Emoyo loka aijen ka...ayongit Ejakait;

Ido kisiyalamikini ayongit Ejakait. Mam etubokini kwape eanyuniata akekonye, karaida aitoron kwape epupoto akeki:

Konye etubokini lokican kadolit, itoroni kaitenara luitasonos kakwap ebela loka aitukuke, eari ikaronon keiyengane loka aitukuke.

Adolit nges aenet naka angabeteke, amunonut da nges aenet naka ingeretenyake.

Iboie epeet kimerekek yenididi, eperi erisa kikalol (akinei ngin); itaok ka ikoku yenika engatuny ka yenetumit nepepe; ingarenikini kes ikoku yenididi.

...edakas aiteng ka adubu; eperete ludidikikec nepepe: enyami engatuny inya kwape kemong.

Ebolia ikoku yenenaki kaipany naka asigirikolong, ikoku da yenejekarit ibwaikini akekan akai naka ekiriton.

Mam isiriebete karaida amudiar korongataka kere lokalaunan: naarai ilelebun akwap aijen

Ejakait kwape kakipi nuerapiarito angolol.

Huu! Erai nen kotoma Yerusalem nakitetet. Ngin "nakitetet." Alibunet, kane, itetemunitai kwape loka Alibunet naka Daudi. "Erai Ngesi Alibunet ka Aur."

80 Kwana, akaulo kana, kotakanuni Ateran. Akaulo naka asabaton akaisakanyaare, kotakanuni Ateran kotoma Apukokinio esula lo 19, ikokoron lo 1 ka lo 16. Kodoluni ngin kede Eteran, Ekabaka Lokapedor. Oo, ikatunga! Mam eong ajeni arai ilosi cut oni adumun ngin arai mam. Adumun ngin aso...

Eebo, asiomata ber oni atutubet yen kana, kwape kwangin. Na ngesi apak nebunio Ateran, akaulo kana. Itei jo? Akaulo na egearor apugan naka ikar elukumit, obonguni do Kristo kede Ateran. Cut, 1 kition16 kosodi esula lo 19.

Akaulo kangun...

Akaulo naka ican luipu; akaulo naka ican; akaulo naka Aipuceta; akaulo naka aitakaneta; akaulo naka acakakinere Satan; akaulo naka asipokinio naka apugan naka ikar elukumit. Kosesen!

...akaulo kangun abu keira bala e...eporoto loepol loka ekodet loepol kotoma akuj, kineras ebe, Aleluia; aitajar ka aibuses,...ayongio,...ka apedor, eraas nuka Edekewok:

Naarai eraas itubesiake lukabeit ka luedolito da; naarai atuboki akiro naadote nakapolon, naamunaari akwap kadoteuke, enyangaa kamakeng aokot nuka ikebulesin.

Kirucakis nges...kes...Kirucakis einer nakiareit ebe, Aleluia. Epuriori apuruke ikar ka ikar.

Ngol nges akanisa namalayat namojong, "abu akepuru kopurio kuju."

Kibiroros imakio akaisaare, ka luongon ka lukajarak iwongon komaata Edeke loiboie koicolong, kobalas ebe, Amen. Aleluia.

Kobu eporoto koicolong kinera atiar kituroto Edekewok-kituruto Edekewok, yes kere ikebulesin, yes luyongito nges, ludidik ka lukapolok da.

Keira bala eporoto loka ekodet loepol,...

Kopupok! Kianyu ijo, Ekanisa. Akaulo nakelosio Ngin kuju kotoma osula lo 3, kobonguni kane. itei jo? Ido kwana okokoro lo 6.

Kasodi keira bala eporoto loka ekodet loepol, ido bala eporoto loka akipi nuipu, ido bala eporoto loka agiro naegogong, kobala ebe, Aleluia: Naarai irumit Ejakait Edekewok Lokapedor kere.

Aleluia! Kosesen! Kodoluni edukone loka imerekek kwana. Kobuni do Ngin kane.

Keyalamikinos kalakaros noi, kainakis nges aibuses, Naarai adolu adukokin naka Imerekek, Itemokino da ateranike. (Kane nges abunio Ngin, Ateran ka Eteran.)

Ido aponi koinakinai nges ainap ebaputa loejok kes...aswamasio nuedolito nuka lukalaunak.

Kotema emalaika eong atiar, kiwadik ebe: Isirerengitai luenyaritai toma opucit loka eterane loka Imerekek. Katema nges eong atiar, Eraas nu...akiro nukabeit nuka Edeke.

Kasodi aibirokin kingaren kakejeke, aima nges, katema nges eong atiar, Koany sirikiswama kwangin: Arai eong ebulesit aupakon,...ka lokoinacanakon, luejaas... lokoinacanakon luejaas kaitejenunet naka Yesu. Koma Edeke. Naarai aitejenunet (Naka Kristo) naka Yesu nges emoyo loka adwaranut.

Kasodi kaany akuj engaara, ido koany,...ebalosit loekwang;...(oo ikatunga)...Lokebwanenit nges...enyaritai Lomunot ido Lokabeit ido...etubokini ka aitiji kadolit.

Ido akekonyen eraas aipeloret naka akim ido...kejaas amekemeken nuipu akouke;...

Etanapitai Nges kwape ingai? Ekabaka loka Ikabakan."

...Ido kojai Nges ekiror loiwadikatai lomam ejeni idiotunganan dimarai...nges bon.

Konapite anapito naebwasitai aokot; anyaritai ekekiror Akirot naka Edeke.

Kotoma ageunet ajai Akirot, kojai Akirot mama ejai Edeke. Ido koraun Akirot akuan kiboienei kamawok." Nges bo ngai? Yesu.

...ido anyaritai ekekiror Akirot naka Edeke.

Kotupakis nges ajoresio nukotoma akuj, kibwanenito ibalasin lukakwangak, konapito ebaputa loejok, loekwang, loelai. (Aibuses! Obuni Ngin kane.)

Elomuni ekileng loekwana kakitukuke, loinomia...atekerin icokiei kes kebela loka asuat; icakacakai Ngesi acueta naka ebino loka adedeng naka anyunyura naka Edeke Lokapedor kere.

Ejai ekiror loiwadikatai anapitoke kamurwoke da ebe, EKABAKA LOKA IKABAKAN, IDO EJAKAIT LOKA IJAKA.

81 Arai bo ngin inyo? Arai Iketunga adaun ngipengin aitanap Nges aboko kwape Ekabaka loka ikabakan, ka Ejakait loka Ijaka. Abongu toma Oyekaluke lokalaunan, kinyonyoikinitete kede ajakut naka Edeke, kanu aboi ka aipuga adaun ikar elukumit kede Ekekanisa. Amen! Aitoduun kede Ekabaka Lokapedor, aikamar Akeboisit kosiep Kangol, Eyekalu lokitetet loinyonyoikinitai loka akabakanut.

Kwana alosikineta akanykaape nuka Apukokinio 6:1 kiton Apukokinio 19:21 etodolikinios.

82 Kopupok kwana, igolokini. Apuceta Akanykaarei, Arupepen Akanykaarei, Atanyia Akanykaarei, Aiticaneta Auni, Aberu kotoma akolong, airengario naka Ajokit, arai apiu nakarengan, ebuni kotoma apakio kanu kotoma apak naka aiticanio. Mam imurwokini ngin. Iboro lu kere iswamasi kotoma apak kana.

Konye enu alosikineta akanykape nuka abunoreke. Iyunits yesi ngin? [Kotemari atukos ebe, "Amen."-Ekewa.] Eumokina bo lolo biai apak naingadakinitali kanukangul lueminas Ejakait! Abala eong ijo, opapero, mam oni ipedori atwanar ngun, kanu iswamai ijo kere. Kojeni ejok!

83 Kwana, asabato ngin, itojok Ejakait, akoto eong aitodiar, arai kengarak Ngesi eong, aituduun cut nejai nginidiopet kotoma apaarasia kangun akanykaarei, neapotu kiswamaunotor, ayangaun ibore yepeyen-yepeyen yenabu eong keswama lolo, ka asipokin asabaton ngun akanykaarei kirwan, akanykaarei, asabaton akaisakanykaarei cut toma aiboisit ngin nakalaunan naka Iyudayan, ka aitodiar cut nekijaria oni kane kotoma apak nawasia, arai kitojok Ejakait.

84 Yesi iminasi Nges? [Kotemari atukos ebe, "Amen."-Ekewa.] Ipedori ijo atwanar Akuj? ["Mam."] Ijai oni toma apak nakawasia!

Inyobo ebuni Ngesi aswam? Ibore yenisodit yenebuni aiswamaun, eroko Yesu ebuno akwap, inyobo ebuni araut ibore yenisodit? Ebuni Ekanisa? (inyo?) Auruporio! Ebuni kerek Yesu toma akwap kosodi airimirim ates kosodi aiyogaikin kede papa ka toto, einer kede oni kere kane kosodi abongor kuju? Mam!

Ikonakini ai? E...Inera isio nu mamakus kanuka-kanuka Akirok naka Ejakait, "Ebe oni luijari kasalitos..."Isesalonikan luareit, esula lo 5, "Oni luijari ido asalakinits kiton abongun naka Ejakait, mam isimikaari arai aitukurwori ngul luejotoete. Naarai eruikini arupepe naka Edeke; luatwaka kotoma Kristo nges egeikinetete ajarun; ido oni luiroko ijari ido kasalitos kidakario oni nepepe kakes ariamun kede Ejakait toma odouon." Iuruporio oni kotoma apak, naka airwakakinet naka akongu. Kotoma apak ngin, ngin nges engetakini atur naka Ekanisa.

kosodi, kane kotoma akwap egeari Edeke aiswamanar kede Iyudayan.

85 Apote ajaun inabin iarei. Esula lo 11, ibuni oni alemun ngun. Inabin iarei luinyonyoikinitai, kwape Eliya ka Musa, luaomit eong erai. Ido epote kesi ayangaun iken luepolok noi, akaulo na kes aanyun ebe emorikikinos, kosodi Rome aibil aitutuketeke, ekabaka ngol.

Kakidingos naka asabato naka akaisakanykaarei, abuni aibil akeitutuket kede Rome, arai ebuni Rome aibil ngin kede Isirael, ido ngin nges ebuni ainakin etal ageuni aisiarar. Ido ebuni ajaun akalele, nebunio atongot naka Imo, abekot naejotoi...Apiu, Rome, aimun akipi kakitukuke, kanu ejie kede atongot naka aur naka aberu luericito aicorakineta nuka Edeke. Ebuni Rome aswam ngun.

86 Amorumorun naka ikanisan nges ebuni aimorikikin kes nepepe, kosodi atolomikin Iyudayan toma aimorumorun ngin, ka ayangaun kes kiton oyekalukec loka aima bobo, kotoma EBALA EJAKAIT KWANATA kolomunite Obaibuli, ido epote ajaun kede ekecekanisa. [Onangi Onac Branham elutaari irwanapu-Ekewa.]

Inyobo eraas kesi kwape kwana? Adumunit eong ngin adumun kwape kwana. Eroko itet. Eraas kwana akwap, etigogongori. Ngin erai nakabeit? [Kotemari atukos ebe, "Amen."-Ekewa.] Konye emameotor ber eyekalukec loka aima. Ido esipokisi kesi aima kotoma Oyekalu, edumuni Ekanisa edau anyoun. Ebuni do Edeke aiswamanar kede Iyudayan kwape akwap. Ido nakeyangaunere kes toma aimorumorun na, ebuni Rome aibil ngin kakidingos naka ekaru loakaisakanykaarei, ikar iuni kede atutubet, ebuni ngesi aibil aitutuket ngin kede ekes, kosodi ayangaun etal loeinakini amidiar aisiarakin kiton awasia. Kosodi ebuni aire iketepegak ka Iyudayan, kosodi air kes. Kotoma apak kangin, enyounete inabin iyarei kosodete aiken akwap, tetere mam edou etepi aparasia naka aidwarakec. Ido enyaraunete akim kotoma akuj ka iboro ice kere. Idareu ijo. Ipu nuejaasi ne, aingadis kanuwok, kanu aisisia. [Abu Onac Branham onanganang

elutaari irwan auni.]

87 Ooh, erai bo lolo Ngesi Edeke loeumokina biai! Erai papa loitimonu biai! Ipapero, ber eong alimu naa, kwape ekologikus. Mam yes imisiikinitos arerengusio nuijarete yesi kotoma. Mam yes imisiikininotos. Ipu itunga luepolok, ejaas lukalaunak luipu, ejaas ilukumin luka itunga luelaunitos luapotu otwaka okaru luatuboros, itunga luelelebasi kede Emoyo, lutikepudasi aanyun apak naijariata yesi. Ketwasamata arereng ngin.

Inyobobo icebore ebeit oni asesen? Inyo ipedori oni swam akaulo kanu? Aibo ijai oni alosit? Inyo ebeit aismamaun? Ebeit oni alosit nenice? Mam ijo ipedori aiboi kane aparasia kere. Ipedori ijo aikat akoninya; osabiti loetupakini ekotosi bobo aikasio; eebo, irwanaarei, eroko apak ngin. Ipedori ijo aitopoloun ikonidwe. Itanyami kes inyamat luariripet; isawan luinyamat lukabong koriebi bobo kes eitenge. Aitanyam kes kosawa lokabong, eriebi bobo kes etenge atupuruc naetupakin. Igwelakini ijo kes amuk; arai eputos kede luka, akaulo na ilapio iarei arai iuni ogwalakini bobo ijo kes ace. Igwelakini ijo kes igoen olap lo; elap ediope arai iarei, ogwelakini bobo ijo kes igoen lutetiak. Itei ijo? Emamei ibote yen mam enangi, emamei ibore yenesipo. Emamei ibore yen epedori aibwo.

Siri ingobel abar naka akwap kana natai,
Naebosiari katipet,
Osipok akonimun oboro lumam edaunos,
Mam etuboros!
Ileleba apak kede aijujuleta nuisunyito,
Emamei ibore akwap yen epedori aibwo,
Osipok akonimun oboro lumam edaunos,
Odongakin akan naka Edeke namam Ijulanakin!
Odongakin akan naka Edeke namam ijulanakin!
Odongakin akan naka Edeke namam ijulanakin!
Osipok akonimun oboro lumam edaunos,
Odongakin akan naka Edeke namam ijulanakin!

Kopupok!

Kedaun alosite wok, (kitijenikini Ngesi oni nedaunor.)
Arai kapotu araas lumunon nejai Edeke,
Ejok ido iliai ewokore loejai toma aibuses, (eibuga ngol loinyonyoikinitai)
Epote itauonowok luolakara aanyun!
Odongakin akan naka Edeke namam ijulanakin!
Odongakin akan naka Edeke namam ijulanakin!
Osipok akonimun oboro lumam edaunos,
Mam etuboros!
Odongakin akan naka Edeke namam ijulanakan!
Odongakin akan naka Edeke namam ijulanakin!
Osipok akonimun oboro lumam edaunos,
Odongakin akan naka Edeke namam ijulanakin!
Kwape kituluro akwesiwok, arai mam ijo itingitor Akekan, mam ti ijo ibu kiswamau
ngun kwapekwana?
Odongakin akan naka Edeke namam ijulanakin!
Osipok akonimun oboro lumam edaunos,
Odongakin akan naka Edeke namam edaun.

88 Ipese yendidi, irai kwapekwana ijo itumunan yenilai. Elaete ikonitim, ibusiak ikonitinyon. Konye, ijeni ijo, moimoi osilok. Kijenuni biai ebe kosabiti ngol mam ikur epote ainyam, kalupok, itinyon ngul luelaete kibusiak?

Onac lodidi, igogong ijo, ilangir, imoriikite; ijaatar ijo amun naepol. Konye akaulo naka apak naedit, moimoi, itima ngul luelaete kijerer, edotoros, ido luideunos ekwangunete. Ijesunos ikeperin lutiek koriora ngul, kosodete ikur ainyam akanin ka akiring. Inyakarete ijo toma apua.

Aso osipok akonimun oboro lumam edaunos,
Mam etuboros!
Odongakin akan naka Edeke namam ijulanakin!
Odongakin akan naka Edeke...

Akoto eong anyoun kosodi aiting Akekan kwape kwana.

Osipok akonimun oboro lumam edaunos!
Odongakin akan naka Edeke namam ijulanakin!
Kosodi do engatakin erot lo, (ebuni angetakin, adiopepaaran)
Arai apotu karaas lumunon mama ejai Edeke
Ejok ido iliai erewok loejai toma aibuses,
Ebuni etaukon loelakanar aanyun!

Inyobo mam ijo kidongakinor akan naka Edeke namam ijulanakin!
 Odongakin akan naka Edeke namam ijulanakin!
 Osipok akonimun oboro lumam edaunos,
 Odongakin akan naka Edeke namam ijulanakin!

89 Aanyunun eong akiro nuipu, ayapiar bala ikar akaisauni kau. Aanyunun eong akiro nueroko; aanyunun eong akiro nuibusiak. Akiro nuesilok kakere nuanyunitor eong kotoma aijaraka...Karaida aanyunit eong idwe luemamikitos inyamat orotin; aanyunun eong luatoto ilipilipitos ipakunet idiopet yenemugaati. Ibore yenaronon kakere yenaanyunitor eong, nges asesen etunganan, ido loebeit araut okoku loka Edeke, etwana komam eanyunit Edeke.

90 Eitunit eong aberu ebwoi kokek adiopekuar, naka okanisa kalo, kokwenar eong. Kobala ebe, "Mam eong apedori acamakin akakiteng adumun ediini loedumunit ngesi!" Eroko esawa ediopet ketuboro, kewororete eong adekis. Aberu naebus, nepetai ikar akaisarei ka luarei lukapolou, eluluei ngesi, "Koyangautu ekalimonokinan ngol ne!" Arai ngesi atulikat, kotoma aiyuun.

Neadokara eong kuju, abu inac napolon kotema ebe, iyapa ijo noi, Onac Branham. Abu ngesi kotwana bala adagikan akany kau."

Eong ebe apedori eong aanyun nges?"

Ebala ebe, amonyi ngesi ijo, kotoma akiroke nukawasia, 'koyangautu ekalimonokinan ngol, Onac Branham!"

Ajai akilenike nen, iluluei, "Kilipak nges! kilip!"

Kasodi eong atemar ebe, "eyap noi!"

Keriuni eong arapetai. Ajaatar kakonye nutiek nuapolok orengak. Aberu naebus; alomunitos idomidomen luarengak koreeteke; itim luarengerengetos; olaete noi. Abu ngesi koriebakin noi kiton idomidomen alomun oreeteke bala ingok. Ananguna akekonye kinga naka adokonyo, koipone kangol. Ido ijeni bo jo, apotu amoitekake ka ingalur ke iswamata, naejai toma-toma...Nginitunganan iswamai ngun irwanapu nejaar atwanare. Ido epone ngol ajaar ngesi, eperi kojautene kangol, kopukoro akekituk. Ido korapitos airapeta nuakonye, atutubet naka aiboisit na areng akonye. Mam emurokini eong ngin. Abu ekosio ngol kobu aomisioka.

Siringobel abar naka akwap kana natai (aibuses, amwekemwek),

91 Abwoi eong kosiep loka etunganan kalailo kotoma Port Fulton ejai atwanare. Aponi anyarar eong ajaut osiepike. Ido elipit eong kede nges kane kolutaari akuar adiopet. Atunit ngesi aberu. Katema eong ebe, "Olema akanikon awai kanejai amucalat ngin."

Ebala ebe, "Ajai eong aingarenikin nges nejai Edeke."

Katema eong ebe, "Mere atunit akengabet." Mam eong eyuunit iboro kwape kangul. Abu ngesi konyunurikin kede eong kobelar kinga naka ekek.

Kalot eong nejai ngesi, akaulo mot, nejaar ngesi atwanare. Abu kosesen eong toma akonye, ebala ebe, "Mam ilipakini eong, Onac Bill. Aoliorit eong. Adaun eong." Ebala ebe, "Kere nu lem autar eong, adaunos."

92 Abwoi eong kane cut kosoda, itutubet yenididi kane, apaaran adiopet, neajai etunganan loanyarit eong osiepike nejaar ngesi atwanare. Abu kotema ebe, "Epuda duc eong nu-ka-nu, ka nu." Ebala ebe, "Konye mam eong abu ejaanak Ejakait. Kirwanapu atapit eong alosesenen olutaari." Ebala ebe, "Onac Branham, ilip mama ejai Edeke koinak ikapese yenididi ailuc kanu iboro lueswamat eong. Aticepak apedori aswam idiobore mama ejai Ejakait."

Katema eong ebe, "Mam ngun epedoros, onac. Iboro lu ti abeit ijo aswam atwakiasi." Huu!

93 Abwoit eong kosiep loka etunganan, aseseni nges ejiosi kede ajokin adaun isawan akaisarei ka luongon. Ebala ebe abwoete ajokin kosiepike kede irikoi iweniwenitos omorosingakec. Ebala ebe, "Mam icamakini kes aikamun eong! Iluluei; eiting nges ojamu. Ebala "Engol ebwoi kanen. Mam ijo itei? Ebunokit eong." Abu ngesi ojalakinite Edeke, adaun aojau. Ajaatar idulai luelelebasu inyamat luka ibaren, lueleleba engano, asigirian nuelagano nuajokak. Ekar ediopet eroko ngun, abu iken Edeke kakonyeneke, ibap akeberu kanu alosit okanisa. Ijeni ijo nuapotu kismamaunos? Abu epiei inom ekedula, kosodi aiyar akesigirian, kicwea akenyamat luibaren. Kosodi etunganan atwanare kotoma koipone ece loka aiticianio, ejie arutar ajokin kamakeng.

94 Kosodi ekapapero lomojong (Aibuses!) ebwoi kalaije, abu kodolok angeset naka erot. Katema eong ebe, "Ijai ijo alosit, papa?"

Ebala ebe, "Ngesi nen, Billy."

Katema eong ebe, "Ikoni bo ai?"

Ebala ebe, "Ejokuka kere." Ebala, "Koyangau ikadwe ne kosiep naka Etaada." Kidokok akekanin nulejek mama ejai nginidiopet kodweke kisirereng kes. Kolimok iketelepai iarei, ebala ebe, "ikiasi akakanin kuju, ikeutu kuju, kwape abu Joshua ka Kaleb kiswamatar." Aumokinit nualosi ngesi alimun. Kotema ebe:

Apaaran naka aiyalama, apaaran naka aiyalama,

Anyoun nabu Yesu kilotara akadiakanareta!

Abu Ngesi kesisianak eong eipone loakweny ka ailip,

Ka ajar keyalama nginipaaran.

Ebeit oni adolokin iboro kwape kangul, ipapero! Nginitunganan kere ekoto ainyam inyamat luejokak, airenge emotoka loelai, adumun nuejokuka kakere nuepedorete adumun. Mam eong etoronit nges. Ejokuka ngun. Ekoto Edeke ijo ajaut kangun, konye

Siringobel abar naka akwap kana natai,
Naebosiari katipet,
Osipok akonimun oboro lumam edaunos,
Mam etuboros!

Ekeutu kwana awokakanin kwape kiyoi
Odongakin akan naka Edeke namam ijalanakin!
Odongakin akan naka Edeke namam ijulanakin!
Osipok akonimun oboro lumam edaunos,
Odongakin akan naka Edeke namam ijulanakin!

kwape kibwoio, ebelokinos ber kosodi ayogaikin kede icetunganan kwana. Ilosi oni ainyikokin, aijanakin, apak edit. Konye akoto eong ijo aibelokin kwape kiwoio acekokoro loka ekosio kangol.

Odongakin akan naka Edeke namam ijulanakin!

Kiswama ngin, papa! Iswama ngin, papa! Mam ejai Edeke! Iswama, yenididi! Iswama, onac! Iswama ngin onac!

Osipok akonimun oboro lumam edaunos,
Odongakin akan naka Edeke namam ijulanakin!

95 Ijo mam iyalama Kanukeng? Olim "Amen!" [Kotemari atukos ebe, "Amen!"-Ekewa.] Kere lueminasi Nges, olimutu ebe, "Ituritete Ejakait." ["Ituritete Ejakait!"] Kere luiyuunitos ebe ilosi ijo Ore ngol lo agorieik aongon, ikeu akanikon. (osalak ikeet, apak edit, kede ekonikosio)

Aenikina eong kanuka Ere kangol loibus, (Elosi ngol biai kwana?)
Lokitemonokit Edeke kanuka Lukeng;
Neponiata luelakunitai kere luka atario kere
Ayoere aibuses arimorit Eicolong loka kwangan.
Ecesawan ariebanakin eong kanuka Akuj,
Ka aibuses nabuni eong aanyun kangina.
Eraun ngin aiyalama naikoni ai,
Neanyuna eong ekatajaranika
Kotoma Ore ngol loibus loka esabu

96 Ijo mam imina ngun? [Kotemari atukos ebe, "Amen."-Ekewa.]

Aenikina eong kanuka Ere kangol loibus,
Lokitemonokit Ekajakait kanuka Lukeng;
Neponiata luelakunitai kere luka aturio kere
Awoere aibuses irimorit Eicolong Loka kwangan
Oo, acesawan ariebanakin eong kanuka Akuj,
Ka aiyalama nabuni eong aanyun kangina
Eraun ngin aiyalama naikoni ai,
Neanyuna eong akatajaranika
Kotoma Ore ngol loibus loka esabu.

Imina ijo Nges? [Kotemari atukos ebe, "Amen."-Ekewa.]

Oyanga ekiror loka Yesu kede ijo,
Ikoku yenaturur ka ican;
Ebuni ainakin ijo aiyalama ka ainapakin,
Oyanga nges neilosu ijo kere.
Ekiror loketiai (ekiror loka etiai), Oo, eipone loejijimar! (Oo, eipone loejijimar!)
Amun naka akwap ka aiyalama naka Akuj;

Ekiror loketiai (ekiror loka etiai), Oo, eipone loejijimar!
Amun naka akwap ka aiyalama naka Akuj.

Kwana, mam imurokini atupuruc naka asabiiti kangin, isawan iuni-atutubet. Ido ibuni oni aitam, arai ekoto Ejakait, angetakin kotoma apak, kanuka ailipanakin lukadekak, asabiiti ngin osawan iuni-atutubet.

Ailur kama ejai ekiror loka Yesu,
Aibirokin kwap kakejeneKe,
Ibuni aisiboikin Nges kwape Ekabaka loka Ikabakan,
Nengetakinor erotowok.
Ekiror loketiai (ekiror loketiai), Oo, ejjijim biai! (Oo, ejjijim biai!)
Amun naka akwap ka aiyalama naka Akuj;
Ekiror loketiai (ekiror loketiai), Oo, ejjijim biai!
Amun naka akwap ka aiyalama naka akuj.

Kopupok ber ijo ekokoro lo:

Ailur kama ejai ekiror loka Edeke,
Kwape kebuku kama ejai nginiic;
Nairimunatar ijo acoduneta,
Iyengak ayengakin ekiror Ngol kotoma ailip. (ebuni ngol aswam ngin!)
Ekiror loketiai (ekiror loketiai), Oo, eipone loejijimar! (Oo, eipone loejijimar!)
Amun naka akwap ka aiyalama naka Akuj;
Ekiror loketiai (ekiror loketiai), Oo, eipone loejijimar!
Amun naka akwap ka aiyalama naka Akuj.

Kwana ejulari eong aijanakin nejai ecokon, Onac Neville, kanu ngesi aijaikin akekiro nukawasia ka kere nu aticepak ekoto ngesi alimun.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7